

Q. D. B. V.

DIVISIONEM IMPERII KAROLINI,

PRAESIDE
RECTORE ACADEMIAE
VITEMBERG. MAGNIFICO,
CONRADOSAMVELE
SCHVRFLEISCHIO,
Hiftor. Prof. Publ.

*Specimine Academico disquirendam
exponet*

In Auditorio Maiori

ZACHARIAS Swankig /

Schloettavia Saxo.

A. cō Isc XXCII. PRID. EID. OCT.

CVM PRIVILEGIO EL. SAXON.

Disputatio III.

LIPSIÆ, Apud NICOLAVM SCIPIONEM.

M. DC. XCVIII.

DIVISION

APPROPRIATE

RECEIVED

RECEIVED

CONRAD

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED



I.



Vod per Caroli M. tempora latissime patuit Francorum regnum, tamdiu firmiter stetit et floruit, dum ab uno regebatur. Sed postquam exemplo non utili divisum est, iuit in partes, et bella deinceps exorta sunt, quae non minus familiam, quam regnum illud confecerunt.

II. Omnino autem dubitare licet, utrum Carolus tenero erga filios affectui indulsit, an rationem habuerit veteris Merovingorum divisionis, superiori Pipiniana Gentis consuetudine repetitae, et proximo etiam avi patrisque instituto confirmatae. Alterum iure infirior, alterum facile concedo, neque causam video, quamobrem excusari possit Carolus, siquidem dicere velimus, eum privata potius caritate, quam publicis exemplis eo fuisse inductum.

III. Vtunque sit: Caroli M. divisio imprudentiae arguenda est, quam tamen deinde fortuna correxit, mortuisque Carolo et Pipino filiis, omnia regna iterum coniunxit, atque uni Ludovico Pio transmisit.

IV. At ne sic quidem hanc divisionem probare possum, ideo quod ejus ratio ab utilitate et robore imperii seiuncta est, ut maxime non respondeat exitus, et aliunde impediatur. Id enim fortuito, ac praeter dividendis institutum accidit, neque prudentiae in imperando sitae convenit, nec laudem meretur.

V. Tum vero in Italia adhuc superstes erat Bernhardus, Caroli M. ex Pipino nepos, cui regnum istud practer et contra superiorem Germanorum consuetudinem relictum est, quod deinde malo non caruit, nec parvum Ludovico Pio periculum attulit, cum auctore Bernhardo superiorum temporum concordia et tranquillitas conturbarentur.

VI. Magnus ergo, nec satis poenitendus error fuit, quando amplissimum florentissimumque hoc Francorum imperium divisit Carolus, quod non dicam terrarum orbi, sed certe Europae, praesertim Christianae et cultae, iam subigendae, par et aprum videbatur.

VII. Sed nullum maius ex divisione damnum cepit respublica Francorum, ac post tempora Caroli M. Etenim Caroli Martelli *Maioris domus*, et Pipini regis errores meliores eventum, quam consilio mutati emendatique sunt, postquam siue morte, siue abdicatione, quae mortem imitatur, ad imperium unius Francorum respublica rediit, pristinumque robur recepit. Nam Carolomanus Martelli filius regno cessit, et sponte migravit ad sodalitatem sacram: nec multo post Grypho seditiosis conatibus seipsum evertit: postea Carolomanum Pipini filium mors abstulit, regnum uni Carolo M. addixit: et huius deinde filii Pipinus et Carolus satis concesserunt, neque diu superfuit Bernhardus Caroli filius, et regno pariter oculisque privatus decessit. Quibus rebus evenit, ut nemo restaret praeter Hludovicum pium, unum imperii Carolini, sed disparem potentiae heredem, *V. Annales Francorum Pistoriani ad A. DCCXLI. DCCXLVII. DCCLIII. DCCLXXI. Conf. Annales Fr. Fuldenses a Marg. Frebero editi, et Annal. Fr. ex bibliotheca iussu Reuberi, nec non annales Beroliniani.*

IX. Inter hos nemo minus prudentiae opinionem sustinuit, quam Hludovicus pius, qui praeterquam quod artes belli

belli neglexit, in omnibus quoque vitae imperiique partibus incautus et infelix fuit.

IX. Ceterum Caroli M. testamentum, quod ad divisionem imperii regnique eius spectat, memoratur *ab auctore annalium Francorum, quorum scriptor Moguntiae fuit et floruit, ad A. DCCCVI. consensunt Adelmus Benedictinus, qui in dioecesi Pannonum apud Orientales Francos vixit, ad annum eundem: Monachus Engolismensis in vita Caroli M. p. 268: iisdem verbis reddit. Integrum testamentum bona fide exhibent Petrus Pisboeus, qui vitae Caroli M. ab Anonymo Engolismensi descriptae subiunxit, p. 283. seqq. Nec diversum extat apud Melch. Goldastum, in consil. imperial. T. 1. ad A. 806. Alterum Caroli M. testamentum reperitur apud Eginbardum de vita Caroli M. c. XXXIII. cuius pleraque loca interpungenda esse, admonet codex antiquissimus Vindobonensis apud P. Lambeckum bibl. Aug. Vindob. lib. II. cap. 8.*

X. Ad confirmandum hoc testamentum accivit Francorum Ordines, quorum permagna erat auctoritas in publicis regni negotiis, quorumque suffragio in comitiis atque in rebus arduis utebatur, id quod *placita* eorum temporum evincunt. *V. Annal. Fr. ad A. DCCCVI.* Non enim in speciem, aut commendationis gratia tantum reqvirebat assensum procerum, sed cupiebat, ut vim haberet, nec sine effectu esset.

XI. Nec modo optimates Franciae, sed etiam Leo III. Romanus Pontifex subscripsit et approbavit, cuius alioqui in Carolum M. propensa voluntas extitit, saepeque alias perspecta fuit. Non indigebat eundem Carolus assensu et auctoritate Romani Antistitis, si ultima haec voluntas solum ad Franciae regnum pertinuisset. At quia etiam de successore Romani imperii agebatur, consulto adhibitus est Pontifex, tanquam is, qui praecipuus esset in senatu populoque Romano, quippe inter quem atque Carolum superioribus annis certa pacti ratione convenisset. Non enim est, cur existimem,

Carolus id honori venerationique Pontificis solum tribuisse, quando huius rei profundior graviorque causa subest.

XII. Carolus enim haecenus erat Romanorum *Patricius*, eamque dignitatem ab anno DCCLXXIV. tenebat ac tuebatur, quem deinde anno DCCCL. cum nomine tituloque *Augusti Imperatoris Romanorum* commutavit, postquam Leo III. vice senatus populi que Romani partes has egit, Carolumque imperatorem solemni ritu consecravit. *V. Annales Fr. ad b. A.* verba haec sunt. *In die natalis Domini, ante confessionem beati Petri Apostoli, cum Rex ab oratione surgeret, Leo Papa coronam capiti eius imposuit, et a cuncto Romanorum populo acclamatum est: Carlo Augusto a Domino coronato, magno et pacifico Imperatori Romanorum, vita et victoria. Et post laudes more antiquorum Principum adoratus est, atque ablato Patricii nomine Imperator et Augustus est appellatus.* Eginhardus, Carolo a secretis, tunc affuit, literisque mandavit, Carolus eo tempore *Imperatoris et Augusti nomen accepisse, de vita eius cap. XXVIII.*

XIII. De re ipsa et ritu consecrationis a Leone III. peractae, et acclamationis sollemnis a populo factae omnes consentiunt *Francorum annales, scriptor vitae Caroli M. anonymus, Adelmus, Ado Viennensis, et sequiores Otto Frisingensis, Siebertus et alii.* Nisi quod Regino dissentit, et consecrationem hanc reiecit in annum DCCCII. Nulla hic in rationibus temporum pugna est, si exponitur, qualis supplicatio, Romanae, an Gallicae Ecclesiae intelligatur: quarum illa a natali Christi, haec ab *Incarnatione* eius inchoatur, apud *Fr. Haracum in annal. Brabant. t. I. p. 52.*

XIV. Exinde perspicio, Patriciatum, quatenus summi Romanorum Principis potestatem denotat, suscepto Augusti Imperatoris nomine, non extinctum, sed insigniori titulo commutatum, maiori que splendore fuisse ornatum. Nam hoc indicant verba: *ablato patricii nomine, Imperator et Augustus*

stus est appellatus. Non res, non imperandi ius et potestas, sed nomen ablatum est, atque adeo nihil praeter nomen amplio-remque titulum mutavit Carolus imperator creatus. Annales a Reubero editi pro ablato habent, *omisso imperii nomine:* certe ut designent, nullam rei potestatisque amissionem esse factam. Monachus Ego-*lismensis* scribit: *Antea dominus Carolus vocabatur ab omnibus, Rex Francorum et Patricius Romanorum; sed post laudes a domino Apostolico more antiquorum principum adoratus est, atque ablato Patricii nomine, Imperator et Augustus est appellatus, apud Pitboeum p. 262. 263.* Observandum est, seculo adhuc simplici titulorumque parco, nomen *patricii* proxime a nomine regis Francorum fuisse collocatum. Sicut autem titulo *Patricii* dominum regium, ita nomine *Advocati* defensionem armatam, summamque omnium rerum et regionum imperii administrationem complectebatur. Vocabula *domnus, Carlus*, rudem seculi morem, me non monente, satis demonstrant.

XV. Petrus de Marca, antistes Parisiorum doctissimus, longe aliter existimat, et quamquam Caesare Baronio sincerior cordatiorque est, tamen evincere annititur, non patricii, sed imperatoris nomine summum ius in Romanos delatum esse ad Carolum M. *cum antea patricii Romanorum iurisdictione tantum frueretur. Vno verbo, e magistratus tribunali evectum esse Romae ad solum Principis, de concordia sacerdotii et imperii lib. II. cap. 2.* Laudat ibidem Eginhardum in *Annalibus*, qui nullos Annales scripsit. Deinde ex iis adducit verba, quod Carolus, *omisso Patricii Romanorum nomine, imperator et Augustus appellatus sit.* Sed priora illa, *omisso Patricii Romanorum nomine*, in codice Eginhardi non leguntur: neque dubito, quin ex annalibus Francorum desumpta Eginhardo per incuriam vindicavit.

XVI. Quod rem ipsam attinet, sunt munus in Romanos alius repetendum est, ut acquirendi eius verae rationes cau-

causaeque intelligantur. Quae ita se habent. Agebatur annus DC CLXXIV. cum ab Episcopis Romae congregatis, praeter ius eligendi Pontifices, Romanae urbis principatus, titulo patricii, ad Carolum M. deferretur. Inter eos erat praecipuus Hadrianus I. idemque primarius civis Romanus, et SPQR. interpres. Ratio huius concessionis sita fuit potissimum in grato officio, quod ingentibus Caroli M. meritis rependi aequum iustumque videbatur. Iam enim urbi a Graecis destitutae, quaeque derelictae imminebant Langobardi, occupaturi etiam, nisi Carolus supervenisset, captoque rege Desiderio, urbem pariter et ecclesiam liberasset. Igitur regnum Italiae armis, sed patriciatum Romanum diverso iure acquisivit, pactoque convento non magistratum duntaxat, sed summum ius potestatemque titulo Patricii est consecutus. *V. Monachus Reicherspergensis ad A. DCC LXXIV.* Spectatque huc antiquissimum fragmentum, quod ex manuscripta Anastasii historia ecclesiastica superest apud decretorum compilatorem Gratianum *can. 22. dist. LXIII.* Hoc fundamento nixus Leo III. Hadriani I. successor, *claves Petri et vexillum urbis*, certissima summi iuris in Romanos indicia Carolo M. nondum consecrato imperatori transmittere statutum habuit, *apud Monachum Egolismensem p. 257.* Igitur iam tum iure patriciatus hanc potestatem Carolus M. habuit, neque aliter intellexit ac declaravit Leo III. Pontifex, *apud Gratianum can. 23. ibidem.* Neque pudit Carolum M. titulis regis subiungere titulum Patricii Romanorum, quem sine dubio volebat esse *characterem* inferioris potestatis. Nemo enim tam absurdus sit, ut credat, Carolum M. in eo titulo quaevisisse duntaxat simulacrum dignitatis et pompam, quippe quae ab eius seculi more abhorrebant. Itaque documentum erat summi iuris, et verus character Romani principatus, quem nomine tituloque Patricii Carolus M. obtinebat. *Imprudenter Jacobus Cbifletius pa-*
sri-

triciatum Caroli M. ad maiordomatum retulit, non distinguens potestatem regiam a munere regni.

XVII. Robertus Bellarminus non satis sibi constat, et nimis audax est, quando nihil non conquirir et tentat, ut probare possit, totum hoc Romanorum imperium, quod pervenit ad Carolum M. Leoni Pontifici acceprum esse referendum, *lib. 1. cap. 5. de translatione imperii Romani.* At hoc repugnat superiori pacto, et summo iuri per id acquisito, quum clerus populusque Romanus, et cum utroque Pontifex Patriciatum Principatumque Urbis in Carolum M. facto SCto transtulerunt. Quod cum non posset nescire Bellarminus, mox accessit praesidium a testamento Caroli M. per Leonem confirmato. Verum ita non conficit, quod vult, quoniam approbatio testamenti ad rationem prudentiae et securitatis pertinebat, et requirebatur a Leone III. non ut ab effectu, nedum ut a datore et domino imperii Romani, sed ut a primario cive et membro senatus populi que Romani. Nam ante Leonis huius pontificatum Carolus cum clero atque populo pactus est, et ab utroque principatum urbis obtinuit, atque adeo iure huius pacti nixus, Hludovicum *imperialis nominis heredem constituit, apud Eginbardum de vita Caroli M. cap. XXX.* Cautior callidiorque est Caesar Baronius, et testamento Caroli M. ex bibliotheca Pithoeana prolato asserit, Carolum Leoni discernendum reliquisse, ut cui vellet Pontifex, imperium daret, *in annuum ecclesiasticorum tomo nono ad A. 806.* Cui expresse et directo adversatur Eginhardus, qui consiliorum Caroli omnium conscius, testamentum ab eo confectum Romanam pertulit, *in adducto capite XXX.* Ne id nunc addam, quod ab eventu *coronationis* colligit Marcus Antonius de Dominis, quum affirmat Ludovicum, patre mortuo, *solaeguisse coronatione, libr. VI, cap. 11. de republica ecclesiastica.* Id quod omnino verum est, et plane constat ex annalibus Francorum *ad A. D. CCCXVI. collas: cum A. DCCCXIII.* Id vero non scri-

psit accurate Spalatensis antistes, quod de acquisito armis imperio tradidit, rarus, *titulum imperatoris non iure belli acquisivisse, sed imperium ipsum, hoc est, terras et regna imperii omnia, quae supererant in Occidente.* Primo enim ius imperandi hic spectari oportet, quod Carolus M. non belli titulo, sed pacto acquisivit, confecto eam in rem SCto, *de quo vid. Melch. Goldastus Const. imp. tom. 1. A. Cb. 774. et in replicat. pro imperio cap. XIII.* Deinde radix et sedes imperii Roma Caroli armis non subacta est, atque adeo ius belli hic locum non habet. Neque Carolus recte nominatur omnium regnorum *absolutus dominus*, neque ipsius acquirendi modus tantum continetur iure successionis, et belli, ut putat *Archiepiscopus Spalatensis*. Nam praeterquam quod non conversim dicuntur *rex hereditarius, et absolutus*, etiam admitti debet ratio acquirendi ex pacto, quam perperam omittit Spalatensis.

XVIII. Etsi autem Italiae regnum armis partum esse, ultro concedimus, tamen non est, cur dubitemus, separatas a Francorum regno habuisse rationes. At enim Petrus de Marca in aliam ivit sententiam, et auctoritate Hadriani fretus putavit, Francorum Langobardorumque nationes in unum regnum coaluisse, *lib. II. cap. 2. de conc. sac. et imp.* Ante omnia hic observari debet, regnum Langobardorum bello fuisse quaesitum. Regnum contra Francorum successionem, saltem temperata, constabat, et diversum quoque titulum retinebat. Non possunt autem non diverso iure censi, quae cum plura diversitatis indicia habent, tum inprimis alio atque alio acquirendi modo tituloque distinguuntur. Verbum *adunandi* scriptores medii aevi dissimiliter usurpant. Eginhardus, atque ex eo Adamus Brentensis ea significatione, adhibet, quam Marca intendit. Vterque enim dicit *Saxones Francis adunatos*, ille *de vita Caroli M. cap. 7. hic lib. I. cap. 7. H. E.* Quod verus Poeta Saxonicus de gente et populo unius reipublicae exponit, et assensu suo excipit Monachus Corbenicensis

ienſis lib. i. annal. Sax. Id vero hic locum non habet, quoniam Hadrianus hoc vocabulum porrigit ad omnes Imperii Carolini populos, quorum plerique, ut Romani, ſeparatam a Francis rempublicam conſtituebant, ut Senatus populusque Romanus: alii ſalva libertate, in Francorum regnum coaleſcebant, quod Saxonibus evenit, quos ſine dubio quoque deſignavit ac innuit, dum *omnis Hesperiae occiduæque partis barbaras nationes* nominavit, atque ibi Langobardos, hic Saxones potiſſimum intellexit, qui moderante ſedem Hadriano I. ad coetum Chriſti pariter, atque ad Francorum rempublicam acceſſerunt, *V. Annales Fr. ad A. DCCLXXV. et DCCLXXXV.*

XIX. Neque rationes prudentiæ civilis patiuntur, ut cum Marca ſentiamus, quod firmo diviſionis Carolinæ argumento ſtabilimus. Nam regnum Italiæ ſeiunxit a Romano- rum imperio Carolus, et natu minori filio attribuit, duxitque eo loco; quo ducere ſolent victores regna armis occupata. At enim Franciæ non innexuit, neque adunavit, quandoquidem ab ea ſeparatum eſſe voluit, et reipſa etiam, factò teſtamento, ſeparavit. Vnde non modo conſilium voluntatemque ſeparandi elicimus, ſed actum eventumque huius rei evidenter designamus. Neque id non evincunt *tabulae teſtamenti Carolini §. Italiam vero.*

XX. Amplius hinc colligimus, Carolum M. non voluiſſe, nec potuiſſe omnibus regnis ſuis hanc legem dicere, ut pari et eodem iure regnarentur. Etenim prudens ſciensque, diſtingvit regna et regiones ex diverſa cauſa acquiſitas, quod ſine dubio intelligebat, non licere per rationes iuris, ut talis lex pacto dicatur, invitis paciſcentibus, quippe quorum voluntas intentioque ſemper et neceſſario, velut regula quædam ſpectari debebant. Proinde ſenatus populusque Romanus, qui pacto donum Caroli M. ceſſit ac tradidit, invitus aſtringi non poterat, ut cum Francis in unam rempublicam

coalesceret, quippe qui ex aliâ causâ regno Caroli subiecti erant, ac diverso iure censebantur. Multo minus aliis Europae Christianae populis lex dici potuit, ut Imperii Carolini arbitria sequerentur, nedum ut in eius fidem dirionemque redigi se paterentur. Quamquam confecto Saxonum bello, regna Septentrionis vix tuta esse poterant, Britonesque, datis obli-
dibus, eum plusquam comiter habere coeperant, et aditus iam usque in Hispaniam patebat. Vid. *Eginhardus de vita Caroli M. cap. VII. IX. X.*

XXI. Johannes Mariana tradit, Alonsum Hispaniae regem, prolis expertem cogitasse de hoc regno in Francos transferendo, idque consilium eo pertinuisse, ut totam Hispaniam e Maurorum iugo eriperet ac liberaret, *de rebus Hispan. lib. VII. cap. II.* Cuius sententiae alii, nec vulgares Hispanici scriptores accedunt. Nec diffiteor, Francorum Principes et reges inde a Carolo Martello usque ad Carolum M. ad Saracenos ab Europa depellendos plurimum attulisse: sed regni Hispaniae adipiscendi causâ venisse ad Alonsum, pacti-
onemque cum eo de successione in regnum fecisse, nulli, praeterquam Hispani, affirmant. Eginhardus Alonsum Gallaciae et Asturiae regem Carolo amicitia et societate coniunctum memorat, et producto vocabulo Aldefonsum vocat, *cap. XVI. de vita Car. M.* Praeter eum de pacto hoc tacent omnes antiqui, neque suspecti Francorum scriptores, qui a temporibus Caroli M. usque ad aetatem Friderici II. historiam con-
derunt. Multo minus approbari potest, quod Hispani tradunt, Carolum, orto ea ex causâ bello, armis Alonsi fuisse superatum. *Rodericus Sanctius hist. Hispan. part. III. cap. 9. Rodericus Toletanus de reb. Hispan. lib. IV. cap. 10.* Quae omnia non modo incerta, sed etiam falsâ sunt, et actis horum temporum plane adversantur. Inter recentiores nostram opinio-
nem probat Joannes Philippus Vorburgicus, qui tametsi Caesaris Baronii vestigia secutus, de Caroli M. summo in Ro-

manos

manos iure perperam scribit ac iudicat, tamen hic veram, et consentaneam antiquis monumentis sententiam tuetur, in *bislor. volumine decimo pag. 91.*

XXII. Alioqui certum est, Hispanos universè sumptos nunquam coaluisse cum Francis, et, quod Mariana scribit, non Maurorum magis, quam Francorum servitutem timuisse, *lib. VII. cap. 11.* Idoneum inde peti argumentum potest ad refellendos *monarchiae universalis* architectos, qui persuadere cupiunt, Francorum leges et iura omnes orbis Christiani nationes et gentes obligare, ut uno imperio, aut unius certe imperii arbitrio se regi patiantur. Vnus enim populus, qui suis institutis utitur, alii populo, parae conditionis et libertatis, nihil praecipere, nedum inviro ius constituere potest. Nam qui suis legibus vivit populus, non tenetur iure eius reipublicae, extra quam consistit: multo minus adigi debet ad unius populi placitum contra ius fasque omnium populorum admittendum, siquidem eiusmodi sit, ut saluti gentium adversetur, et pax quiesque populorum turbetur, securitasque imperiorum, sublata *praescriptione*, tollatur.

XXIII. Sicut autem per id tempus Hispani Franci metam obicemque regni posuerunt, ita Franci postea conversam moderandae potentiae rationem adhibuerunt, Hispanisque regi suae gentis, vel minimum sibi obnoxium in Francia creari cupientibus, atque hoc obtentu amicitiam necessitudinesque indea Clodovaeo M. contractas exaggerantibus contradixerunt, palamque affirmarunt, *recusare se regem exteriorae nationis, apud Angelum Galluccium de bello Belg. lib. II. conf. Tac. Aug. Tbuanius bislor. lib. CFI. Petr. Berthault. in Flor. Franc. lib. IV. cap. 37.*

XXIV. Quamobrem non accurate, nec caute tradunt, qui arbitrantur, Caroli M. leges cum totius orbis Christiani obligatione fuisse coniunctas. Atenim in diversum rendit Goldastus, et plane non dubitat, quin ea mens Carolo M. fuerit,

cum anno DCCCXIII. Aquisgrani promulgaret constitutionem, quae ad Brittones, Gothos Hispanosque pertineret. Quae etiamnum integra superest, et laudatur ab eodem, *in repl. pro imperio c. XV.* et bona fide adducitur *in const. imp. tom. III. ad b. a.* Sed Gothos Hispanosque non intelligit alios, quam quos per occasionem belli Saracenici et Vasconici e tyrannide et perfidia ereptos cum ditione Francica coniunxerat, quorum trans Pyrenaeum sane insignis Cisiberanae Hispaniae tractus in Caroli M. ius potestatemque venit, sed Astures et Gallaeci Alfonso, reliqui, et imprimis diutissime Baetici, Saracenis parebant, *Eginhardus cap. IX. et XV.* Brittones designat Cismarinos, qui multis ante seculis ex antiquo Britanniae regno egressi, Britanniae Cismarinae nomen dederunt, *cap. X. conf. Annales Francorum A. DCCCLXXXVI. et DCCXCII.* Quam, Carolo M. defuncto, rebus novis studentem in ordinem redegit Ludovicus Pius. *V. Annales Franc. A. DCCCXIII.*

XXV. Nimum digredior haecenus, et proinde ad divisionem redeo, eamque novam et magis perniciosam exponere instituo, ut vera et idonea conversi Francorum imperii causa perspiciatur. Decefferant, velut confecto Romuli seculo, Pipinus et Carolus M. postquam Numae aevum auspicatus est Ludovicus pius, atque ita se gessit, ut sacro ordini, quam imperio aptior existimari posset. Affirmat Theganus, in sacro studio, et *psalmodia* occupatum, atque in lectionibus assiduum, hoc unum, et nihil fere aliud egisse, aut agendum suscepisse, et credulum nimis, ac ut res ipsa indicat, simplicem fuisse, et consiliariis atque episcopis nihil non indulgisse, *de gestis Ludovici Imperatoris cap. XX.* Hinc spreta auctoritas, nomenque regnantis evuluit, et cura ac disciplina belli neglecta est, et ducum praefectorumque desidia invaluit, superiorisque aevi gloriam commutavit. Omnium malorum, quae evenerunt, caput fuit divisio, quae a Ludovico pio imprudenter facta, et deinde ob filium ex altero consubio natum inauspi-

cato

cato mutata, animos trium priorum filiorum distraxit, et defuncto patre, dissidia magis auxit. *Annales Francorum ad A. DCCC XXI. seqq. DCCC XXVII. cum quibus conf. Aimoinus, Tbeganus, et alii.* Non capio, quamobrem vir praeclare doctus Io. Isacius Pontanus Ludovicum piū, quo regnante potentia Francorum insigniter deminuta est, florentissimo seculo includat, *orig. Franc. lib. V. cap. 8.* Nam rempublicam tunc valde prolapsam scriptores eorum temporum indicant satis.

XXVI. Planius loquendum est, ut imprudentia dividētis, et calamitas exinde orta apertius intelligantur. Etenim semel et iterum erravit Ludovicus Pius, imperiumque bis partitus est, et priori divisione, quae de multorum sententia in annum *DCCC XVII.* incidit, successores et reges appellavit Lotharium, Pipinum, et Ludovicum, qui deinceps Germanicus dicebatur. Posterior anno *DCCC XXXVII.* facta narratur, quum pro amore et studio in filium natu minimum, quem ex altera coniuge Iuditha susceperat, rescissa priori sententia, quam ordines iurciurando confirmaverunt, optimam regni partem Carolo, qui Calvus nominatur, assignavit, magnumque procerum et filiorum odium ea re sibi conflavit. *Vid. annales Francorum DCCC XVII. DCCC XXXVII. DCCC XXXIX. DCCCXXXI. Annales Bertiniani, Vita Ludovici pii, et Tbeganus c. XXXV. In Chronologia ordinanda aliqui dissentiunt, tabularumque publicarum fide nixi priorem Ludovici pii divisionem anno DCCC XV. includunt, inter quos sunt eruditi viri, Beslius et Blondellus.*

XXVII. Interea Pipinus, cui ex superiori partitione regnum Aquitaniae obtigit, e vita excessit, relicto eiusdem nominis filio et successore Pipino, quem Carolus calvus, qui ex altera Ludovici pii divisione Franciam occidentalem consecutus est, regione multavit, Aquitaniamque ipsi creptam ditioni suae adiecit. Non melius cum Pipini fratre Carolo actum est, qui cum invisendi causa in Aquitaniam cogitaret, ex itinere retractus Carolo calvo deditus, tonsusque et sacro ordi-

dini ascriptus, perpetua custodia asservatur. *Annales Franc. ad A. D. CCC XXXVII. et D CCC LI.* Carolus posthac sedi Moguntinae praefuit, *apud Petrum Merfſſaeum in annalibus Archiep. Mogunt. Conſentiunt Gaſpar Bruſchius in Catalogo, et Nicolaus Serrarius in annal. rerum Mogunt. lib. IV. pag. 651.*

XXVIII. Ateninvero poſt Ludovici pii exceſſum omnis fere Francorum Carolini generis concordia deſuit, bellumque civile, quod glifcebat haecenus, repente exarſit, omnesque huius imperii vires imminuit et conſumpſit. Nam ut acerrima propinqvorum odia ſunt, altiusque inſident, ita magis concitant impelluntque animos, et ſanata etiam, opinione citius reſcrudeſcunt. Lotharius antehac fratri Ludovico Germanico concors, parique aemulatione Carolo iuniori inſenſus, ſuſcepto deinde Romanorum imperio, ius in fratres ſumere ſibi voluit, ut arbitrio beneficioque ſuo omnes eorum res ordinaret, et quas veller, partes utriſque aſſignaret. Sive autem Auguſta dignitas, cuius heres a patre Ludovico ſcriptus erat, ſive maior aetas, cuius alioqvi inſigne momentum eſt, ſive alia regnandi cauſa Lotharium incitaret, reſiſtebant tamen eius voluntati fratres, et nihil tale imponi ſibi patiebantur. His ſuperiora exempla et prior Ludovici pii diſiſio ante oculos erant, mutuaque concordia et foedus, conſiliaque et vires procerum, quos ſibi obnoxios habebant, Francorumque mores praecipue animos fecerunt. Lotharius ſuprema patris ſententia nitebatur, eamque ex miſſis regni inſignibus colligere, et aliis perſuadere cupiebat. Sed illi iuſtam hereditarem, ſic interverti ſibi querebantur, ſumptisque armis pro iure ſuo pugnabant, congreſſique acie, florem Francia et robur atterebant, atque iis rebus efficiebant, ut aequiori diſiſione haec controverſia tranſigeretur, Aquitania autem Pipino relinqveretur. *Annales Francorum A. D. CCC XXXIX. D CCC XL. D CCC XLI. D CCC XLII. D CCC XLIII. Ado Viennensis* indicat, Ludovici Pii conſilium de regno ad Lotharium I. deferendo fuiſſe mutatum,

quod patrem a se abalienasset, et vix aegreque regni partem obtinisset. Est ergo tripartita haec divisio, passim celebris, et Viroduni promulgata. In transitu hic mihi venit in mentem argumenti, quod ex divisione in plures partes facta afferri potest ad castigandum *Isidori Hispalensis locum*, qui extat in *etius Chronico ERA DLIX*. Nominat ibi *Francorum reges quinque Caesar augustam obsidentes*, qui scire debuit, apud Francos tunc solum quatuor reges fuisse, atque vel hoc uno indicio fraudem alienae manus et fucum interpolatoris Isidori nunc ostendi et agnosci posse.

XXIX. Porissima erroris culpa in Ludovico pio residebat, qui vel indulgentia, dum iniurias celerius condonaret, vel negligentia, dum regni negotia omitteret, vel salicite sua, dum Iudithae consilio nimis obsequeretur, regnum in discrimen adduxit, omnemque prope suam auctoritatem evertit. Occasionem infelicitis indulgentiae repetunt a dolore, quem ex superiori severitate erga Bernhardum nepotem concepisset, ut deinceps eum huius facti poeniteret, filiisque adeo peccati veniam, et lenitate hac peccandi licentiam daret. *Annales Francorum A. DCCCXVIII, et Theganus cap. XIII. Ioannes de Bussieres Fl. histor. ad an. 814.*

XXX. Dum haec fiunt, Mauri se infundunt in Italiam, et occasionem dissidii in commoda sua vertunt, atque oras imperii depraedantur. Bartholomaeus Scala Eqves Florentinus hanc Maurorum irruptionem refert ad Ludovici pii tempora, quibus inter eum atque Lotharium filium multae et graves dissensiones extiterunt. Scire enim scribit: *Auctores sunt, non convenisse per id tempus Ludovico imperatori cum Lothario filio, ac per eam occasionem aggressos Italiam Mauros, in historia Florentinorum, quam pro summo in literas amore ac studio transmisit Cl. Magliabechius lib. II, p 53.* At scriptores rerum Francicarum affirmant, Hlutario imperante Mauros traiecisse in Italiam, et vexandae eius fecisse initium, et urbe Roma.

prohibitos, expilasse S. Petri templum. *Annales Francorum ad annum DCCCXLVI. ante quem fatis concessit Ludovicus pius.*

XXXI. Quum respublica his disidiis non leviter turbaretur, Abotriti irruebant in Saxoniam transalbinam, quae Francorum provincia erat, nec eadem libertate cum cetera Saxonia fruebatur. Vix enim Ludovicus pius divisionem auspicatus est, quum Veneti fines eos vastare incipiunt, excitisque Danis calamitatem augent. *Hinc Scriptor vitae Ludovici pii tradit sequentia. Postquam Imperator (Ludovicus pius) in eodem placito filium primogenitum Lotharium, Imperatorem appellari et esse voluit, et duorum filiorum suorum, Pipinum in Aquitaniam, Ludovicum in Baioariam misit, (ut scilicet sciret populus, cuius deberet potestati parere) statim ei Abodritorum defectio nunciatur. Quicum filiis Godefridi (regis Danorum) amicitias iungentes, Saxoniam transalbianam vexabant. Quibus facilis opportunusque aditus ad Holfatiam fuit. Vita Ludovici pii edit. Pitb. p. 369. 370.* Hi Obotriti ab Adelmo numerantur in Slavis Orientalibus *ad Ann. DCCCXXII.* In Caroli M. fide obsequioque manserunt, sed ab eius excessu, arrepta dissidiorum et neglecti limitis occasione, desciverunt.

XXXII. Magnus in eo Ludovici pii error cernitur, quod duces comitesque suo fere arbitrato agere partes, et obire munia permisit, quorum aliquos ambitio, aliquos ignavia corripit, ut vel nihil modicum cuperent, vel belli studia omitterent, vel turbida consilia foverent. Leges quidem latae sunt, quae eos officii admonerent, neque eas praetermisit Hincmarus Remensis, idemque in Ludovici pii aula et rebus consiliisque Francorum apprimè versatus antistes. *Qui autem, inquit, post Regem populum regere debent, id est, Duces et Comites, necesse est, ut tales instituantur, qui sine periculo ejus, qui eos constituit, quos sub se habent cum iustitia et aequitate gubernare intelligant, atque cum bona voluntate, quod intelligunt, adimplere procurent.* Ep. c. 10. et 15. Sed haec

tam

tam circumspecta regendi ratio et disciplina Ludovici pii aevofensim paulatimque imminuta, ac deinde inclinatis filiorum rebus magis prolapsa, et denique fatum occasumque Carolinae stirpis secuta, pariter expiravit.

XXXIII. Omnium maximus atque formidolosissimus erat Normannorum impetus, quo Francia diu et vehementer turbata est, quarum irruptionum hic fuit exitus, ut Carolus calvus datis muneribus discessum eorum pacisceretur. Cuius deinde nepos Carolus simplex, armis viribusque impar, et consilii inops, sedes ipsis apud Sequanam attribuit, cessaque Neustriae parte longum et anceps bellum non gloriosa pacatione finivit. Quod est initium Normanniae Gallicae, cuius *ducatum* primus suscepit Rollo, eumque transmisit ad successores, quem ducentis et sexaginta fere annis tenuerunt, postquam Philippus Augustus repetiit, Franciaeque rursus coniunxit, *Sigebertus an. 486. 853. 866. 875. 882. 888. Robertus Gagrvinus bisp. Franc. lib. V. Cl. Molinet ad Stephani Tornacensis epist. CXLVI.*

XXXIV. Magna autem cum primis rerum Francicarum conversio accidit post *Fontanidicum* praelium, quod anno DCCCXLI. commissum, et magna utrinque strage finitum est, ut tradunt omnes eorum temporum scriptores, nisi quod aliqui annum DCCCXL. constituunt et signant. Annales Pithoeani Francorum ad *septimum Kalend. Iulii* referunt hanc pugnam plane fatalem et exitu foedam. Simul et indicans, post hominum memoriam non editam fuisse tantam Francorum stragem. Itaque Barbari animis sublatis, regionum limites praelidio nudatos invadunt, et per occasionem illius discordiae et cladis in viscera regni progrediuntur, quos viribus animisque distractis, vix repellere, nedum domare potuerunt. Eadem res Ordinibus regni profuit, et spem conatumque altius enitendi adiuvit, ut inclinata Carolini generis fortuna, suam quisque potentiam augetet.

XXXV. Haec deinceps proceribus erat via et prensandi et suscipiendi regni, postquam filii Ludovici pii de imperii divisione acerrime certarant. Quae peracta, eqvidem concordia instaurata est, sed ab eo tempore divisa haec regna nunquam coniungi, multo minus pristinae adunataeque vires recuperari potuerunt.

XXXVI. Cum hoc pacto imperium inter se partiti essent fratres, quilibet eorum Rex Francorum appellatus est, nemoque in alium potestatem habuit, sed suam quisque partem suo et pari iure tenuit, atque eam ob causam *Pares* appellatos fuisse constat. Sed Imperatoris Augusti titulus Lothario I. singulariter et solum attributus est, adeo ut huius ratione praeiogativam cum insigni veneratione coniunctam retineret. Declarat hoc eventus illorum temporum, quibus Carolus calvus nomen Imperatoris magnae auctoritatis esse ultro agnoscit et fatetur, Lothariumque fratrem ut natu maximum veneratur et colit, dum moderationem prae se ferret, *apud Nisbardum lib. I. et II.* Sed Lotharius I. nomine tituloque Imperatoris omnia in se trahere, fratribusque leges dare cupiebat, et victus inclinatusque ad pacem, ex capite huius tituli aliquid ultra tertiam partem in regni divisione a fratribus suis petebat. Id quod *testatur praecipue Nisbardus: conf. Annales Pithecani, Bertiniani, Metenses, et Ado Viennensis.*

XXXVII. Verum ille Imperatoris Augusti titulus non dabat ei ius in fratres, quippe ex divisione et pacti formula pares, sed summum duntaxat in Romanos dominium complectebatur. Igitur summum Franciae imperium triplicem Franciam continebat, occidentalem, orientalem et mediam, atque ab imperio Romanorum ac regno Italiae, sive Longobardia distinguebatur, diversumque erat.

XXXVIII. Necdum incepto desisteat Lotharius I. victusque sibi non temperabat, quin ius, quod sibi arrogabat, per-

persequeretur. Id quominus perficeret, res adversae impediabant, et ambitionem pertinaciamque eius frangebant, ut clam de pacis compositione cogitaret, fratribusque aequa divisione satisfaceret. Initio quidem inter eos non conveniebat, neque expedita huius rei conficiendae ratio in promptu erat. Itaque negotium in aliud tempus dilatum, et tandem apud Virodunum est transactum. *Hinc annales Francorum an. DCCCLXIII. Apud Virodunum Galliae civitatem, tres Reges mense Augusto convenientes regnum inter se disperciunt: et Hludovicus quidem Orientalem partem accepit, Karlus vero Occidentalem tenuit, Hlutarius, qui maior natuerat, mediam inter eos sortitus est portionem. Iacobus Marchantius pacificationem Virodunensem vocat, eamque in annum 844. reiiicit, in Flandriae descript. lib. II. p. 182. At nostra supputatio congruit praedictis annalibus, et omnibus fere antiquis monumentis.*

XXXIX. Quae pactio ut firma rataque esset, mutua iurisiurandi religione munita est, nec paucae difficultates obiectae sunt, priusquam coalesceret, eo quod Lotharius I. nimia regnandi cupiditate incensus, aequis postulatis resisteret, tempusque traheret, et more suo tergiversaretur. Praeclare id pro capiti seculi, et integra fide enarravit *Nithardus lib. IV.* Distributas regni portiones ea, qua decet, diligentia consignavit auctor annalium Bertinianorum, cum reliqui annalium scriptores generatim nimis et cursim hanc tam insignem memorabilemque divisionem persequantur.

XL. Si ratio prudentiae incunda est, apparet, Lotharium praecipiti festinatione corrupisse fortunam, nec vitae regnique servasse modum, et vehementi ferocique ingenio irritasse fratres, et invitos stimulasse ad arma, ac utrorumque ditioni obnoxios commovisse Ordines, hactenus leniori patris Ludovicii pii imperio assuetos, eorumque alienasse animos, atque initia regni contra regnandi prudentiam duxisse ab

ambitione et severitate. Parum abfuit, quin cogeretur minimus natu Carolus, ut fortunae cederet, Lotharioque obsecundaret, nisi Ludovicus Germanicus cum reliquis Franciae proceribus tuendam huius divisionis causam susceperet. Memorat Nithardus Lotharium I. rebus his non bene gestis, iram Dei pariter, et iniusta sua facta agnovisse, *bist. lib. IV.*

XL I. Postquam enim divisio semel recepta, et a Ludovico pio etiam probata ac repetita erat, unius deinde arbitrio et importuna regnandi cupiditate convelli non potuit, quando ea in re cum iuris, tum honoris ratio versabatur. Hinc Ludovicus, qui superioribus annis Lothario sociatus odit oppugnavitque Carolum, nunc ab illo aversus, hunc foedere sibi coniunxit ad repellendum Lotharium, qui maiori animo, quam prudentia bellum fecit, fratresque infestavit. *P. annales Francorum, Nithardus, atque inter recentiores doctus diligenter Brabanticarum scriptor Petrus Divaeus lib. IV.*

XLII. Non tamen propterea excusaverim Ludovicum pium, cuius divisio omnes horum temporum dissensiones factionesque peperit, quas firma et constanti voluntate declinare potuisset. Idcirco eius pietas ab administratione imperii distinguenda est, ne idem mihi eveniat, quod *Francisco Balduino*, qui cum de *legibus ecclesiasticis atque civilibus Constantini* Tradidit, tum fere omnia eius laudanda, vel minimum excusanda esse censuit, et simul inutilem perniciosamque ipsius divisionem approbavit. Ac ille quidem ea re fuit Ludovico pio similis, quod *Faustae* coniugi nimium indulgit et credidit, ut *in epitome indicat Sextus Aurelius Victor*. Non enim fuit Iuditha melior, et consilia suggessit, unde seditiones natae sunt, quae magnas deinde calamitates excitarunt, *Annales Fuld. DCCCXXXIX, DCCCXL, DCCCLXI, Regino innuit quoque Iudithae libidines, Chron. l. II. A. DCCCXXXII, Iohannes de Beka illicitum matrimonium vocat, in Catal. Episcop. Traiectens. VII. et IIX. Iohannes Nauclerus Iuditham omnium*

malorum originem appellat, chronograph. vol. III. gen. XXVIII.

XLIII. Inter haec crevit Pontificum auctoritas, atque excessit venerationis modum. Non enim satis, nec secure habere sibi videbantur Romani Antistites, nisi ad effusas superiorum temporum donationes cumulum adiecisset Ludovicus pius. Quo tempore non tam aperiendus, quam obstruendus erat liberalitati aditus, hoc magis, quod Paschalis I. Ludovici pii patientia abutebatur. Qui tamen non expectata Imperatoris confirmatione consecratus est, tamen hoc exemplo ius convelli non potuit, idque agnovit deinde Pontifex, factumque purgavit. Igitur fides abroganda est narrationibus, quae de cello confirmationis iure circumferuntur. Nullae enim tabulae in hanc sententiam extant, nec donatorum temporumque veritati congruit, quae legitur *in C. ego Ludovicus Dist. LXIII.*

XLIV. Retinuit profecto Ludovicus summum urbis dominium titulo Imperatorio ad se pertinens, atque ius confirmandi Romanos Pontifices transmisit ad filium nepotemque Lotharium et Ludovicum II. *Vid. Marg. Freberi commentarius ad Ottonis III. donationem p. 41. et Paulus Sarpus, tr. de materiâ beneficiarîis ex versione Caroli Cassae pag. 64.* Proinde Leo Ostiensis, qui aliquot seculis post tempora Carolina scripsit, et *Cassinense Chronicon* composuit, nullum cessi iuris confirmandi documentum profert, et prodiit se studio ac assentatione erga Hildebrandum. Ut alia omittam, tacent ea de re omnes Ludovico pio aequales et suppare scriptores, et loci temporisve argumenta non quadrant, nec instrumentorum exempla consentiunt, stylusque et subscriptio indicant fraudem. Sed quam nos fictam et falsam, eam contra veram germanamque esse Ludovici pii constitutionem, *post Caesarem Baronium, affirmat Iohannes Cabassutius in Notitia Ecclesiastica p. 339.*

XLV. Caetera Ludovici pii acta non vocamus in dubi-

bium, et debile eius iudicium, potentiamque diminutam, et aevo paterno dissimilem, prudentiamque tantae rerum et regnorum moli imparem ultro confitemur. Sed longe aliud ingenium Lothario I. contigit, quippe qui potentiae famaeque nimis serviebat, tituloque primogeniti et Imperatoris non modo anteire fratres, sed etiam subicere sibi cupiebat. *V. Hincmarus Remensis epist. I. cap. 4. et Niebardus iam saepe eam in rem adductus, qui fratrum dissidia, et causas gnavigiter enarravit.*

XLVI. Quod hucusque magna animi contentione egit destinavitque Lotharius I. id deinde morum consiliorumque mutatione facta, in dolorem atque miserationem vertit, quando eum belli intestini atque superiorum actorum ita poenituit, ut, quod nemo speraverat, sponte imperio se abdicaret. Non multo aliter evenit Carolo V. quem rerum in Germania conversarum deinceps caeduit, finemque molestiarum et portum atque perfugium in fano S. Iusti quaesivit. Haud dubie autem Lothario in mentem veniebat tristitium infelicitumque bellorum, et ingratae necessariaeque pacis, quam cum dedecore suo coniunctam existimabat, aegreque ad hanc faciendam adducebatur. Neque iam admissorum immemor, neque fortunae suae ignarus erat, quum rebus seculi nuncium mittebat. Praeterire non debeo, quod scribit in Chronico Iohannes de Beka. *Lotharius Imperator tyrannidem Danorum expugnare nequiens, et soli Deo militare desiderans, de consensu principum terrae Ludovico primogenito suo dedit imperium, ac in Prumienſi coenobio sacrae religionis suscepit habitum, ubi sub monastica disciplina sacram professionem fecit.* Per Danos intelligit Normannos, quorum crudelitate permotum esse dicit Lotharium, ut de imperio decederet, seculoque renunciaret. Sed hoc non congruit rationibus temporum, propterea quod Normanni sub id tempus tota Francia excellerant, atque adeo nullum

Lothario metum incutere, neque causam abdicationi dare poterant. Abdicavit enim anno DCCCLV. Lotharius, in quo consentiunt *annales Francorum Pitheoani, Regino abbas eius monasterii, quod intravit Lotharius, Sigebertus*. At vero anno priore DCCCLIV. Normanni bello intestino commissi confectique, ad sedes domosque patrias remigrant.

XLVII. Priusquam hoc fiebat, nova et superioribus consiliis contraria ratione usus est Lotharius I. et vires Francorum, superiori divisione inclinatas, magis distraxit et labefactavit, regnoque in tres partes distributo, Ludovico maiori Italiam cum imperii dignitate, Lothario iuniori Austrasiam, recentiori huius aevi vocabulo dictam Lotharingiam, Carolo natu minimo Burgundiam, cum parte Provinciae addixit. *Regino ad A. DCCCLV. Otto Frisingensis lib. VI. cap. 2.*

XLIX. Hic fuit Lotharii I. sive taedio, sive poenitentia rerum praeteritarum ad sacrum Ordinem conversi exitus, cuius pietatem, religionisque studium impense laudavit *Servatus Lupus in epist. CLIX. Consentit Hrabanus Maurus, idemque Lothariani epistolae auctor*, qui hunc Imperatorem propter sapientiae artiumque amorem commendavit, *in opusculo, quod de anima inscribitur*. Observo, scriptores huius aevi multis elogiis ornasse Lotharium I. qui sine dubio respexere, tempus, quo pace cum fratribus inita mores et animum mutavit. Vnde intelligi potest, quamobrem a Carolo calvo alieniores sint, quem belli studia, quae doctis religiosisque viris ingrata sunt, avertebant. Quorsum spectat exemplum Lupi, necessitatem proficiscendi in bellum deprecantis, *in epist. LXXVII. ibidem Cl. Stephani Baluzii notae*. Quamquam, et alia causa suberat, quae plerosque etiam scriptores Francos a Carolo calvo abalienavit, praesertim iniustitia, quam partim opere declaravit, quando totum Lotharii regnum ditioni suae coniungere voluit, imperiumque Romanorum intercepit. *Vid. Otto Frisingens. Cbr. lib. VI. cap. 6. et praecipue annales*

Francorum Fuldenſes ad A. DCCCLXXV. DCCCLXXVII, quorum fides et auctoritas convelli non debet, etſi in argumento hiftoriae controverſo proximi et ſup̄pares Carolinae aetatis ſcriptores ideo negligendi non ſunt, et inprimis quov̄que alias Bertiniani annales legi merentur.

XLIX. Poſthaec Ludovicus II. imperium a patre Lothario I. abdicatum tenuit, cuius frater Lotharius iunior, repudiata uxore Thietberga, mox poenitendi divortii documentum praeſtavit, et aliquanto poſt ſine herede deceſſit. Cuius regnum quoniam ad Ludovicum II. Imperatorem pertineret, dubitari non poterat, nec cauſa deficiebat, cur iniuſtis Caroli calvi conatibus obniteretur. Sed illo intra belli metum orbitatiſque faſtidium nihil movere auſo, Ludovicus Germaniae rex, patruſque ipſius, aequam regni diviſionem a fratre Carolo calvo poſtulat, nunciisque miſſis ſignificat, nolle ſe cedere ſuo iure. Iamque res ad arma ſpectabat, niſi Carolus calvus iuſto aequove modo in diviſionem conſenſiſſet, fratremque rei militaris peritum et fortem, bellisque praecipue Slaviciſ et Normanniſ egregie deſunctum placuſſet. Igitur anno DCCCLXX. habitus apud Maſſanam conventus, et inſtituta regni Lothariani diviſio, et datis acceptisque ſacramentiſ firmata eſt, quam *Regino Prümiae abbas monumentis commendavit. Conf. Aimoini appendix, quae ex annalibus Bertinianiſ conſecta eſt, et charta Pitboeana p. 488. et 489. inter recentiores Chriſtoph. Bröderus in annual. Trevirenſib. VIII.*

L. At vero ea portio, quae Ludovico Germanico ad Maſſanam, ex paſſione cum Carolo calvo inita obvenit, interpellante ſubinde Ludovico II. Imperatore, vehementerque annitente Ingelberga eius coniuge, non ſatis caute, ſed tamen ex capite aequitatis reſtituta, non diu apud verum legitimumque heredem permanſit, ſed eo ſine virili prole extincto, ad ſuperiorem pacificentem Ludovicum Germanicum, cum-

eumque iure agnationis proximum rediit, atque hoc vivo, deinceps nihil ex parte Lotharingiae disceptatum fuit. Sed postquam Ludovicus II. Imperator virilis sobolis expers decessit, irae acnulationisque materiant Ludovico Germanico, et Car. aenulo fratribus reliquit. Mox lis de Romanorum imperio coepit, quod iure quidem spectabat ad fratrem natu maiorem Ludov. Germaniae regem, et moribus hactenus ita receptum erat, ut in eo capiendo inde a primo acquirente aetatis praecipue ratio haberetur. Atenim vero Carolus calvus in occasionem intentior praevertit, et SPQR, largitionibus conciliato, et inprimis annitente Iohanne IIX. augustam dignitatem praecipuit, atque anno DCCCLXXVI. consecratus primordia imperandi coepit. Eodem anno e vita migravit Ludovicus Germanicus, cuius morte audita Carolus calvus magis elatus est, perinde ac si, amoto eo obice, nemo deinde futurus esset, qui libi obliteret, et armatum impedire posset. *Annales Fuldenses A. DCCCLXXV. DCCCLXXVI. Regino, Sigebertus. Annorum supputatio plerumque metachronismus conturbata est, prout apparet in Chronica Reginonis, cuius Chronologiam fere sequitur Sigebertus Gemblacensis, ac saepe discrepat ab annis, qui numerantur in annalibus Franc. Pithecanis et Fuldens. Etiam in genealogia Ludovici, II. Imperatoris error est apud Rapselem Volaterranum, duos illi filios tribuentem, lib. III. commentariorum Urbanorum. Nullam enim sexus virilis prolem genuit, atque hac de causa orbitatem ipsi assignamus, non ignari alioguin filiae Hermingardis, quam ex Luitgarde uxore suscepit.*

LI. Dehinc maior flagrantiorque cupiditas incepsit Caroli calvi animum, iamque imperio, quod astu interceperat, non contentus, ad reliquam regni Lothariani partem aspirabat, perinde ac si divisio superior non attineret Ludovici Germanici filios, sed cum patre eorum statim extincta sublataque esset. Ita modum non habet ambitio, et cum fortuna

meliori vires sumit, sanguinisque iura utilitati posthabet, et fidem pactorumque religionem contemnit. Nil enim gravius accidere potuit superstitionibus Ludovici regis Germaniae, filiis Ludovico iuniori, Carolo et Carolomanno, quam quod vix elato funere, et vixdum rationibus paternae hereditatis recte confectis, patrum tam inique secum agere viderent, et malo suo experirentur. Prima Ludovico iuniori cura fuit, precibus inflectere Caroli calvi animum, tum more rudis credulique seculi *iudicio Dei* experiri, postremo, omni spe restitutionis adempta, ius ab armis sumere, ut nihil sive culpa, sive desidia sua committeret, quod sibi fratribusque fraudi esset. Proinde collatis cum patruo signis, iusti belli fructum cepit, et pariter aequitate causae, ac gloria rei gestae superior fuit. Multi in eo praelio desiderati, nec pauci capti abductique sunt, et vix evalit ex periculo Carolus calvus, atque eo rerum statu ad mitiora inclinatus, consilia patruelium, regnum paternum dividere volentium, probavit, ac deinceps acquievit. Hinc ratione instituta Lotharingiam, quae superiori divisione Ludovico Germanico cesserat, partiti sunt, ut superior eius pars Carolo crasso, inferior Ludovico iuniori obtingeret, reliqua hereditatis portio Carolomanno attribueretur. *Regino in Chronico A. DCCCLXXXVI. Franc. Guillelmannus de reb. Helvet. lib. II. Christoph. Brodverus annal. Treuirens. lib. I. III. Adendum hic de Ludovico Germanico, atque huius filio Ludovico iuniori, eos in tabulis historiis quae Carolinis nunquam appellari Imperatores Romanorum, sive Imperatores Augustos. Quamquam longe aliter existimant recentes quidam, et ignari mediae aetatis scriptores. Nec tamen infitior, eos quoque interdum nominatos esse Imperatores, qui revera Romanorum imperium non habuerunt, quod vel solum Ludovici Balbi exemplum indicat, qui vulgo quidem, sed perperam in Romanorum Imperatorum serie collocatur. Sigebertus in Chron. an. 878. Aubertus Miraeus nihilominus probare studet, Bal-*

bum in Imperatorem fuisse coronatum, in *annal. Belg. ad an. 878. idque auctore Aimoino, lib. V. cap. 37.* Sed is, aut potius eius *Continuator* de coronatione imperatoria nihil tradit, scribere contentus: *et post haec coronatus Ludovicus a Papa Ioanne VII. al. VIII. vocant.* Rectius omnino doctissimus Stephanus Baluzius in *Not. ad Petri Marcae de concordia sacerdot. et imperii lib. VI. cap. 25.* Affert ibidem exemplum Caroli calvi, qui tredecim annis prius, quam Imperator Romanorum declaratus est, nomen Imperatoris sumpsit. Sed quod addere mihi liceat, non sumpsit nomen Imperatoris Romanorum, priusquam Romae Imperator est consalutatus. Neque tamen ignoro, quod apud Reginonem extat, Carolum calvum iam pridem ante acquisitum Romanorum imperium, *Imperatoris nomen a praefule sedis Apostolicae Ioanne ingenti pretio emisit, A. DCCCLXXVII.* Merum ergo sine re nomen habuit, antequam Romam secundum profectus est, et quod diu multumque destinaverat, tandem perfecit.

LII. Sublato scelere medicum Carolo calvo, Imperium Romanorum rediit ad Ludovici regis propaginem, ex qua Carolus crassus Romanorum Imperator creatus est, in quo vires corporis animique defecerunt, et vigor aviri generis pariter, atque auctoritas Imperatorii nominis, et post tot casus aegre servata felicitas, prorsus a veteri fastigio recesserunt. Id temporis effusi iterum Normanni, per Galliam Belgiumque immaniter grassati sunt, et tenera Caroli simplicis aetate, datam irrumpendi occasionem rati, multa vastitatis crudelitatisque exempla ediderunt. Proinde Carolus crassus rex Francorum occidentalium constitutus est, qui lapsis rebus opem ferret, hostesque repelleret, et vim populationesque arceret. Sed quia hunc non minus salubre consilium, quam fortuna destituit, de voluntate procerum regno privatus, spe retinendae coniunctim utriusque Franciae excidit, et simul quoque Romanorum imperium amisit. Quibus rebus evenit, ut Italia-

distraheretur factionibus, et mutua aemulatione Berengarius et Gvido de imperio contenderent, bellisque omnia turbarent. In Arnulpho demum augusta dignitas concidit, et imperium tumultibus concussum et fractum finem habuit, quando SPQR. illud a stirpe Carolina ad se reduxit ac revocavit, et interprete Formoso Pont. pro Gvidone sententiam dixit. Sed Arnulphus crassi ex fratre Nepos abnuvit et aperte restitit, ac deinde Romam properavit, atque ultimus Carolini generis Imperator inauguratus, supremum ius armis asseruit, et Formoso peragente solennia, imperii insignia suscepit. *V. Regino horum temporum scriptor A. DCCCLXXXVII. DCCCXXXVIII. seq. A. DCCGXIV. DCCCXCVI. Ex eo Sigebertus, qui tantum in annis discrepat: ex utroque Ludovicus Haracius.* Sed hunc fefellit interpretatio Aimoini pariter atque Carolum Sigonium, itemque Franciscum Gvillimannum, Chr. Bröverum, et, quem paulo ante adducimus, Aub. Miraeum, quos coronationem regiam ab imperatoria distingvere oportuit, id quod abunde colligitur ex *Iohannis IX. et Hincmarie epistolis*, atque hoc etiam doctiores Galli ipsimet hodie agnoscunt et consentunt. De Carolo crasso addendum est, eum pro Carolo simplice administrasse Franciam occidentalem, et tutoris nomine procurasse regnum, at aliquanto post eius proceres atque populum non invito ditioni suae coniunxisse. Quamquam ne sic, quidem omne ius Caroli simplicis extinctum videri poterat, siquidem ratio sanguinis et successionis haberi debet. Adhaec Neustrii, de quorum cessione agebatur, Carolo Crasso reclamant, nec multo post obsequium denegant, propterea quod is potestate abutebatur, quam ex occasione impuberis Caroli simplicis ad salutem commodumque regni promovendum consecutus erat, *ut ex Paulo Aemilio constat.* Tum vero Carolus crassus, omnibus suis regnis cedere coactus, Franciam occidentalem reliquit in statu pristino, quantum ad ius Caroli simplicis, quod insecuta Crassi abdicatione post-

postlimino convalescebat. Et si deinceps multae et graves rerum temporumque mutationes affligerunt Carolum simplicem, quae tamen non prohibuerunt, quominus regnum iure sanguinis successionisque ad se pertinens, annitente tandem ipsomet Arnulpho, Caroli crassi successore, procerumque consensu reciperet, armisque persequeretur, *Regino Ann. DCCCXIII. et DCCCXCVIII. Otto Frising. Chron. lib. VI. cap. 12. et scriptores Francogallici recentiores Robertus Gagvinus, Paulus Aemilius, Iohannes Tilius, quorum testimoniiis consulto super sedemus.* Arnulphus equidem ex capite patris, cui ob imbecillitatem animi et corporis curator successorque datus est, praetendere ius potuit, sed quia id neglexit, et Odoni regnum praesentanti non contradixit, sed favit atque consensit, vel non agnovit, vel temporum necessitati remisit. Ex his, opinor, lucem accipit *Claudius du Molinet*, Carolo simplici cessionem Neustriae tribuens, quam alioqui scriptores Carolini omnes Carolo crasso Imperatori tribuunt, *Vid. nosae ad Stephanum Tornacensem p. 220.* Quod recte habet, si Carolus Crassus tunc propinquo suo tutoris nomine praefuit, qui tamen deinceps ex tutore Franciae occiduae rex factus est, quanquam iustum aequumque fuerat, ut Carolus crassus pupillo suo ex contractu tutoris legitime facto obligaretur, atque adeo Carolo simplici citra suum factum ius sanguine successionis traditum ac derivatum certe in solidum non eriperetur. Sed neque in dubium vocabo epitaphium Caroli crassi, quod extat apud Io. Is. Pontanum in libro V. originum Francicarum sub finem, atque apud Cbr. Ad. Rupertum in observ. ad Synopsin Cbr. Besoldi cap. XVII. Quod non congruit ingenio aetatis Carolingicae, et discrepat a stylo pragmatico illorum temporum, atque adeo mirari subit, quamobrem *Vir Cl. Thomas Reinesius* ea de re non commonuerit Rupertum, quem alioqui saepe et familiariter, dum illud opusculum scriberet, commonere solebat. Similem in modum Carolina monumenta a supple-

men-

mentis et *continuatione* seqviorum temporum discernenda sunt, quod vel solus *Aimoini* codex indicat, ac veluti ad oculum demonstrat, quum *in libro V.* ortum genusque Caroli simplicis exponit.

LII. Cum vero Carolus crassus regnorum multitudine iam fere aequaret Carolum M. cumque splendore potentiae quam proxime imitaretur, tum duabus praecipue in rebus erravit, et erga Normannos velut superiori Francorum virtuti diffusus, nimis facilem se in paciscendo praebuit, et torpore, quem ea tempora non ferebant, occasionem persequendi belli neglexit, offenditque procures, qui viderent, his rebus incendi audaciam hostium, et sperni auctoritatem Imperii, quod moribus in mollitiem langvoremque versis, feliciter contineri non posset. Neque rationes domesticae Caroli Crassi meliores erant, quando infelix matrimonium habuit, conjugemque Richardim adulterii suspectam repudiavit, atque augendae perinde et firmandae familiae spem, et maximi momenti commoda, privata pariter et publica, suo periculo et culpa amisit. Quare illo rerum statu, qui omnem diligentiam fortitudinemque requirebat, vehementer commoti Ordines, erubescendam Imperatoris ignaviam, atque cum dedecore et damno coniunctam stupiditatem, pati non potuerunt, regnumque indigne et inutiliter gestum abrogarunt. Mox Romani Italique exemplum secuti, Imperium sibi vindicarunt, atque ad Langobardici generis principes transtulerunt, Nec multo post eandem fortunam tentarunt Burgundiones, regnumque separatim ductu auspicioque Rudolphi inchoarunt. Inter has mutationes Normanni et Slavi Moravique non committebant, ut occasionem hanc negligerent, cupiditatesque suas cohiberent. Cum hae relangvescentis regni vices Reginoni ante oculos essent, non potuit reticere hunc tristem miserumque eventum, quando dissolutam tanti imperii molem describit. *Post cuius (Caroli Crassi) mortem regna,*

quas

qvæ eius ditioni paruerant, veluti legitimo destituta herede
(innuit Arnulphum nothum Carolomanni filium) in partes
a compage resolvuntur, et iam non naturalem dominum præ-
stolantur, sed unumquodque de suis visceribus regem sibi creari
disponit. Hinc causas subiungit, quas erudite sapienterque
 aperit, ut semina initiaque harum conversionum planius
 intelligantur. Namque dum propter æqualitatem digni-
 tatis et generis omnes regnum affectabant singuli, obsequi-
 um recusantes, æmulatione potentiae collidebantur. Non
 quod superior virtus fracta prorsus extinctaque esset, sed
 quia ambitione, et ira odioque prensantium distrahebantur
 consilia et vires, quæ gentem ad felicitatis culmen perdu-
 ctam erroris imprudentiæque admonebant. Morbi inter-
 ne corrumpentes a corpore reipublicæ prius arcendi erant,
 quam membra eius coniuncta servarentur. Familiam Cras-
 si Zelotypia evertit, fatali sane quodam malo huius stirpis,
 quam matrimonia sæpe infelicia affligerunt, quod Ludovici
 pii et Lotharii junioris præcipue testantur exempla, et ipsi-
 us etiam Caroli M. haud fortunata sobolis educatio confir-
 mat. Imperium deinde otio langvoreque dissolvit, atque
 adeo occasionem et fortunam, quæ ab initio se dabant, cir-
 cumspecte non adhibuit, postquam intempestiva pacis quietis-
 que cupido animum eius incessebat, atque ex superiori fas-
 tigio deprimebat. Aliena isthæc cogitatio erat ab instituto
 primi acqvirentis, et tota repugnabat Imperatoris officio,
 neque conveniebat statui temporum, ut arma, quibus res
 Carolina hætenus steterat, omitterentur. Versabatur in
 eo negotio salus omnium, servitusque incutebatur, si Caro-
 lus indigne transigendo tutum se fore existimaret, qui ne-
 scire non posset, quemadmodum Normanni superioribus
 annis contra pacationem cum Carolomanno Francorum re-
 ge initam fecissent, fidemque violassent, *apud Reginonem*
DCCCLXXXIV. et Sigbertum 885. Neglectas belli artes se-

quebatur contemptus, atque Augusti socordiam indignatio procerum excipiebat. Quem enim liberatorem sibi asceverant, non modo non certamini se offerre, sed ne hostibus quidem obviam ire, urbemque caput rerum destituere, et erepta repetere, sed fortunae et pudendae pactioni omnia permittere, graviter ferebant, quippe quos reliquit incertos, redemptione, an deditione urbis principis, an alio modo sibi consulerent, regnumque servarent. Cum haec fierent, optimates dolebant spes suas ad irritum recidere, aliumque regem circumspeciebant, qui lapsis rebus opem ferret. Nullius equidem delicti, nedum tyrannidis accusari poterat Crassus, sed quia reipublicae conditio per eum deterior facta est, damnumque eius culpa datum sarciri non potuit, regnumque, quod servandum tuendumque susceperat, per ignaviam torporemque incursionibus hostium expositum, prorsusque a ratione et regula regni sapienter administrandi, omnique meliore modo conservandi descitum est, optimates temporum necessitati condonandum esse censuerunt, ut regnum, quod sine armis defendi non posset, in alium transferretur. Nam qui ipsum se regere non valebat, propterque hanc causam curatore egebat, indignus regno visus est, ut gloria superioris libertatis indigna servitute ne permutaretur. Quae magna subitaque commutatio ostendit, multos et insignes conatus saepe fieri irritos, et inclinari subinde imperia ac labi, si reges solo potestatis nomine se tutos credant, solaque benevolentia se satis munitos putent, nec praesidia legionesque sibi circudent, etiam in regnis non mere hereditariis, *et non patrimonialibus, et pacto providentiaque constitutis*, in quibus vel capitum conventorum, vel, si ea expressa non sunt, *praesumptae* Ordinum voluntatis ratio haberi debet: praesertim quum *res odiosa* tractatur et transigitur, qualis est *cessio, alienationum et translationum*, maxime earum, in quibus summa rerum, et
sa-

salus finium versatur. Mobiles enim sunt procerum animi, et multam in regnantium fortuna ponunt, atque eorum, socordiam spernunt, facileque ad res novas impelluntur, quatenus per eam fieri intelligunt, ut status suus non modo non melior fieri, sed ne salvus quidem manere possit. Parco exemplis, quando Caroli crassi sufficit, quod moneat reges, quam lubrico stent fastigio, qui armis se non muniant ac tueantur. Graviter Otto Frisingensis scripsit. *Mirum dictum, Imperatorem, qui post Carolum magnum inter omnes Francorum maximae fuit potestatis, in brevi ad tantam tenuitatem venisse cerneret, ut panis quoque egens, ab Arnolfo iam Rege factis stipendia miserabiliter exigeret, ac ab ipso paucos sycos in Alamannia gratanter susceperet. Chron. lib. VI. cap. 9.* Locus egregius, et ad denotandam imperii humani instantiam idoneus aptusque est, quem ante eum graviter expressit Regino an. DCCCLXXXVII. conf. Viterbiensis Chron. part. XVII. De cetero iussu Crassi patrata Godofredi caedes, et severior animadversio in Hugonem crudelitate non possunt, atque eventu diviniore poenae in praesens notari debent. *Vid. Regino An. DCCCLXXXV. Petrus Divaeus lib. IV. rer. Brab.*

LIV. Mali quidem et regnantibus periculosi exempli fuit Crassi exauguratio, reverentiamque excussit procerum animis, et regni successoribus valde nocuit, cum his modis deinde regum auctoritas intercideret, summaque potestas repentinis subinde motibus labefacteretur. Quam ob causam Romani a Francorum Imperio desciverunt, cuius rei initium paulo altius ducam, primamque occasionem pro instituti ratione describam.

LV. Simul atque Carolus calvus imperium Romanorum adeptus est, creavit Ducem Italiae Bosonem, eumque Mediolano imposuit, ut pro se urbem regionemque administraret, *apud Aimoinum lib. V. cap. 32.* Similem in modum

Gvidonem Berengariumque instituit duces, atque ipsis Spoletum Forumque Iulium nomine suo regendum attribuit, potentiamque successoribus postea infestam incaute fundavit. *Carolus Sigonius de regno Italiae lib. V.* Bosoni quoque deinceps regium insigne addidit, Provinciamque profusa et improvida liberalitate concessit, atque iis rebus non minus Italiae, quam Burgundiae periculum attulit, cum per ignavi-
am socordiamque Caroli crassi fieret, ut res Francorum pro-
laberentur. Auctor est Regino, hoc tale Caroli calvi consi-
lium et ambitione plenum, et inprimis cum incauta aemula-
tione fuisse coniunctum, dum vellet imperare regibus, mul-
tumque sibi in secunda fortuna indulgeret, Graecorumque
vanitatem affectaret, et luxum imitaretur. *Regino anno
DCCCLXXVII. Sigebertus an. 876.*

LVI. Arnulphus equeidem non statim de iniuria sibi per Italos illata questus est, et bellis aliis distractus sero Romam pervenit, et urbe in potestatem redacta, Imperatoris Augusti nomen dignitatemque suscepit. Itaque non amisit ius in Romam, nec ignavia sua perire passus est, sed occasi-
onem nactus, acri fortique animo asseruit, atque ab hac senten-
tia non discessit, et retinendi animum titulo declaravit. Quare iniqui in eum animi signum est, quod dedit *Carolus Sigonius*,
quum Arnulphum non ascripsit tabulis Imperatorum Roma-
norum, *de regn. Italiae lib. V.* Clara enim sunt Reginonis
verba, et non sinunt, ut ea de re adhuc dubitemus, *ad A.
DC/ CXCVI.* Luitprandus quoque commemorat, Romam
ab Arnulpho captam, seditiososque supplicio affectos, *lib. I.
cap. 7.* Omnino hoc repetiti iuris indicium est, propter
quod arma sumpsit, urbemque ingressus est, ut more exem-
ploque maiorum suamque imperii auctoritatem firmaret.
Non habuit ergo Sigonius, quamobrem Arnulphum ex Im-
peratorum ordine ambveret, statimque a Carolo crasso ad
Berengarium Gvidonemque transfiret, *de regno Italiae lib. V.*

fin.

fin. lib. VI. princ. Neque hic sermo est, quam diu, sed quam vere Arnulphus recuperatum ius imperatorium tenuerit, quod, posteaquam Roma abiit, morbo impediens defendere, non potuit, atque aliis occupandum reliquit. Nec multo post insurrexit novus Berengarii aemulus Ludovicus Bosonides, Imperatorque Romae creatus est, atque sic tandem antiquum illud imperii Carolini decus plane exolevit. *V. Regino d. A. et seq.*

LVII. Cuius rei causae mihi aperiendae sunt, ut conversae fortunae ratio manifestius perspiciatur. Etenim Arnulpho tota quidem et individua Francia Orientalis obtigit, et Occidentalis quoque ipsum comiter habuit, et auctoritatem inprimis aestimavit. Id quod secundum scriptores Carolinos agnoscit et probat *Gosfridus Piterbiensis*, quum omnes regni Orientalis provincias ei vindicat, simulque affirmat, *Odonem auctoritate ipsius tenuisse Franciam Occidentalem*, *Cbron. part. XVII.* Omittam hic superiorem Caroli crassi contemptum, qui non mediocriter impulit Principes Langobardicos, ut spernerent successorem, atque adeo studerent rebus novis. Accessit alia, nec plane nulla ad minuendam dignitatis opinionem causa, quam prodit natalium labes, eamque designant *Regino A. DCCCLXXX. Otto Frisingensis Cbron. lib. VI. cap. 7. Gosfrid. Piterbiensis part. XVII. p. 467.* Quamquam non sum nescius, plerosque dissentire, et putare, legitimum Carolomanni fuisse filium, apud *Ioannem Stumpbium Cbron. Helvet. lib. III. cap. 97.* Adhaec prudentia eum destituit, quando victorias armis manuque partas, ratione et consilio non perfecit, quibus vel maxime securitatem constitui oportebat. Literis mandavit Liuthprandus, quid cum eo in Italia actum fuerit, cum non esset cautus contra insidias, nec metueret sibi a veneno et philtis, biberetque non explorato liquore poculum, ignarusque fraudis exponeret se ludibrio hostium, repentinoque sopore opprimeretur.

Mox vires langvore et morbo, quem paralyfin nominant, solutae exhaustaeque sunt, neque hic miseriae finem habuit, et pediculis deinde corpus erodentibus foedum in modum consumptus fuit. *Regino A. DCCCXCVI. Luitbrandus lib. I. cap. 9.* Sunt, qui vim diviniore ultionis afferant, atque iniuriam in patrum admissam exaggerent, eiusque poenam ex langvoris, quamlibet ex diversa causa orti, similitudine aestiment, explicatamque reddant. Alibi ambitionem eius crimini dant, quae et nimis incitasset animum, et a Deo avertisset, atque ad ultimum non impune tulisset. Nec me fugit, acrius ferociusque agere solitum, quam ratio fortitudinis pateretur. Quare factum est, ut ei *feritas* vitio vertetur, cuius demulcendae consilium prae se tulit Gvidonis uxor, callideque pervasit cuidam ipsius familiari, *apud Luitbrandum d. l.* Nihil autem magis perniciosum fuit, quam quod Arnolphus Hungaros, ab Scythia profectos, ad infestandum Moraviae regnum excivit, perque imprudentiam regni Germanici fines aperuit, et magnis, atque diuturnis incursionibus patriam obiecit. Nam post Arnolphi mortem effusi, fecerunt irruptiones longe immanissimas, quas eius successor filius suis viribus reprimere non potuit, temporumque calamitate et animi moerore fractus sine prole obiit, et suam Carolinae gentis propaginem finivit. *Luitbrandus* sibi non temperavit, quin scriberet, *immensum scelus Hungarorum emissionem* ab Arnolpho admissum fuisse. *ibid. lib. I. cap. 9.* Omnino tamen fateri necesse habeo, Luitbrandum in rebus actisque Arnolphi saepe quaedam ab aliis diversa narrasse, et Imperatoris nomen titulumque Arnolpho non tribuisse, sed consulto et revera traxisse contra fidem diplomatum, in quibus Arnolphus se Imperatorem augustum appellat, et annis regni atque imperii distingvit, *apud Pviguleium Hundium in metrop. Salisburg. T. I. p. 248. 249. T. II. p. 19. 20. T. III. p. 59.* Contra auctoritatem synodorum Romae Ra-

vennaeque habitarum, *ap. And. Brunner. annal. Boicor. part. II. lib. VII. p. 319.* Contra assensum denique Reginonis, qui Arnolpho imperante floruit, testisque veluti oculus fuit, et Chronicon usque ad annum DCCCCVII. perduxit, atque adeo regnante Ludovico ultimo, Arnulphi filio e vita migravit. Luithprandus autem Ottonum I. et II. tempora attingit, eorumque nomine legatione perfunctus est, atque in rebus actisque sui aevi magnopere probatur. Eo minus de Sigonio laboramus, qui nullo actatis Carolinae monumento causam suam tueri potest. Rectius Io. Aventinus, multo labore diligentiaque et assiduitate antiquas Boiorum tabulas perscrutatus, tradit, Arnolphum, qui Reginoburgi apud Boios domicilium, et posthac de multorum sententia tumulum quoque habuit, Imperatorem appellatum consecratumque fuisse, *ann. Boi. lib. IV. conf. Io. Cuspinianus de Caes. et Imp. Rom. in Arnulpho..*

LIIX. Simulac vero Arnulphus in vivis esse desiit, imperium Romanorum vehementius turbatum est, regnumque Germaniae deinceps seiunctum mansit, cui tunc quidem imminerebat Zuendebaldus nothus Arnolphi filius, et nihil non pro libidine agebat, rapinisque et incendiis omnia vastabat. Huius crudelitatis pertaesi proceres, animos in Ludovicum legitimum Arnulphi filium inclinarunt, eumque concordibus suffragiis regem renunciarunt, et quia id opportunum fortuna dabat, hoc suae in legitimum Carolinum voluntatis, reverentiaeque publicum et insigne monumentum extare voluerunt. Inde sublato Zuendebaldo, primum et ingens periculum effugit, seditionemque oppressit, sed brevi post respublica in maius discrimen adducta est, quum Hungari Baioariam ingressi, agros vicosque ferro et igni late vastarent, templisque non perpercerunt. Cum ita grassarentur barbari, rex Ludovicus pro salute et patria dimicandum censuit, praelίοque apud Lycum inito, impetum
co-

eorum aliquandiu sustinuit, sed inclinata post acie, omnes Francorum vires confectae sunt, totaque Germania incurstantibus patuit, nec facile unquam tristior foediorque clades fuit. Francis eorumque sociis non animus, sed consilium, defuit, ut qui somnum potius, quam arma caperent, securitateque res suas everterent, et instaurata acie nihilo circumspectius agerent, simulataque hostium fuga decepti vincerentur. Quam cladem maximae direptiones secutae sunt, atque eo rerum statu aestimari potuit, quam ignari bellorum incauti que sint, qui uno praelio, quod nimia, nec sapienti victoriae fiducia instruunt, summae rei periculum facere audent. Sive autem ira Dei securitate ulciscens, Boios Francosque et Svevos urgeret, sive perfidia in Adelbertum, admissa regis populique Francorum fortunam converteret, sive regnum, quod a vi et dominatione creverat, discordiis diu fatigatum, nunc seipsum sustinere non posset, unum omnibus exitium ante oculos erat, orbitasque Ludovici regis, non ambiguum magnae conversioni omen dabat, et multis gravibusque malis veluti cumulum afferebat. Neque inter regni proceres diu conveniebat, neque Adalberti obstinatio honesta ratione vinci poterat, atque his et aliis indicii manifesta Dei ira apparebat, quum regnum, quod vix dum a calamitate per Hungaros illata respiraverat, regem prolis expertem amisit, brevemque et ignominiosam sensisset pacem, quam ille fecerat, vel potius argento emerat, ut inita servitutis pactio videri posset. *Vid. Luitprandus, h. st. lib. II. cap. 1. 2. 3. Reginonis supplementum, quod perantiquum, et fide dignum est, cuius initium in hodierna editione ab anno D^{CC}VII. ducitur, quanquam Sigebertus auctor est, Reginonem desisse in anno D^{CCC}XX. Hepidannus Hungaros nominavit Agarenos, in annal. Alaman. a Melibiore Goldasto editis, quod fortasse a scriptoribus Graeco-Romanis sumpsit, inter quos Constantinus Porphyrogenetus eos sane Turcas appellat.*

pellavit, apud Io. Lucium de regno Dalmat. et Croat. lib. II. cap. 3. *Gentes Pannonicas vocat Hermannus Contractus, nempe ab eo tempore, quo in Pannoniam, antea ab Hunnis in-*
sessam venerunt.

LIX. Ab excessu Ludovici IV. Lotharingia desit habere reges, ac deinceps Ducibus paruit, iamque regni Germanici deterior fortuna, et regum minorvis atque potestas fuit. Atenimvero ius dominiumque supremum Lotharingiae, quatenus in ditionem Germaniae venit, regibus Germanorum non ereptum est, neque Giselberto licuit, Lotharingiam, omnium procerum consensu regi Ludovico IV. concessam et traditam, suo arbitratu adimere legitimo regi, et transferre aliorum. Praeterquam enim quod id non erat in potestate Giselberti, Ludovicus quoque, summo Zuendebaldo, iure proximus extitit, et voluntate suffragioque procerum, ad quos ea res pertinuit, Lotharingiam obtinuit, eamque Germaniae rursus addidit, atque hinc non ad alios, quam ad successores Germaniae reges, nominatimque ad Conradum I. transiit, cui Giselberti motus fraudi esse non potuit, multo minus prohibuit, quin post Conradi I. mortem iure suo uteretur Henricus Auceps, regni que ad se delati accessionem et partem iuste repeteret ac vindicaret. *V. Liutprandus bist. lib. II. cap. 7. Otio Frising. Chron. lib. VI. cap. 19.*

LX. Non tamen sibi defuit Carolus simplex, et Lotharingiam regno Germaniae subtraxit ad tempus, et citra iustam possidendi rationem, aliquandiu retinuit, sed tandem causae diffusus, pace inita, vero ei que supremo domino Henrico Aucupi reddidit, vitiumque *invasionis* agnovit, et facta restitutione, sustulit penitus atque amovit. *Reginonis supplementum An. DCCCXXIV. Sigebertus an. 923.*

LXI. E contrario quidam movent omnes machinas, ut probare possint regnum Lotharingiae iure devolutum fu-

isse ad Carolum simplicem, idque vel eo argumento conficere volunt, quod post Ludovici IV. obitum Lotharingi sui iuris facti, liberum eligendi ius acceperint, et revera etiam sibi regem elegerint, atque adeo Lotharingiam a regno Germaniae separarint. Pro qua sententia propugnat *David Blondellus in assertione genealogiae Francicae, pariterque Franciscus Harnetius*, qui affirmat, *traditionem*, live cessionem Caroli simplicis non fuisse validam, neque hinc Germanos ius in Lotharingiam acquisivisse, in *annal. Brabant. in Car. Simpl. XVI. Brab. Princip*. Quam ob causam scriptor *dissertationis historicae et politicae anno MDCLXII.* Gallica lingua editae, appellavit *Henricum I. et Ottonem I. Lotharingiae usurpatores*, ut nota manifestaue eorum iura oppugnaret, quae etsi omnium veterum historicorum consensu tradita comprobataque sunt, tamen ab horum sententiis longissime discedunt, vel quia perfractio gloriæ atque studio in suam gentem, vel spe quadam utilitatis eo se adduci patiuntur.

LXII. Illud quidem largior, Lotharingiam, priusquam Ludovico Germanico suo et proprio iure regenda obtigit, rationes a regno Germaniae separatas habuisse. At postquam ab eo acquisita est, portionem regni Germanici factam, ac deinde inter Ludovici Germanici filios Ludovicum Carolumque divisam, atque adeo pro rata utriusque parte finibus Germaniae conclusam atque comprehensam fuisse. Hinc rursus in Carolo crasso, qua rege Germaniae coaluit, atque inde ad Arnolphum in regno Germaniae successorem pervenit. Ab eo tempore Arnolphus Zuendebaldum regno Lotharii, quatenus ad ditionem Germaniae accesserat, voluntate et assensu Ordinum praefecit. Extincto post Arnolpho, Ordines, a Zuendebaldo ob graves et cum salute sua coniunctas causas alienati, Ludovico vero legitimoque Arnolphi filio, ac nuper apud Forchemium creato Germanorum regi se tradiderunt, prorsusque iterum
cum

cum Germania coaluerunt. Aptus idoneusque testis est Regino, Lotharingiae Optimates noluisse a Germania sciungi, et Arnolpho etiam Lotharingiam Zuendebaldo assignare volenti initio contradixisse, nec nisi anno sequenti consensisse, *an. DCCCLXXXIV. DCCCLXXXV. Brevis Zuendebaldi historia extat apud Wilhelmum, Hedam, qvi hic Reginonem exscripsit, in catal. Episcop. Traiectensium p. 67.68.*

LXIII. Itaque salvo iure suo Lotharingi in ditionem Zuendebaldi transierunt, II. Non coacti, sed rogati ipsum admiserunt, III. Fundamentum huius rei non in plena Arnolphi potestate, sed in libero suffragio suo posuerunt, IV. Ius *postliminii* retinuerunt, idque etiam usu probarunt, quum in regni Germaniae fidem obsequium redierunt. V. Causae fuerunt multae, et inter eas profecto gravissima haec, quod Zuendebaldus regnum ex procerum populiqve consensu delatum praeter et contra eorum voluntatem iniustitia et crudelitate polluisset, procerumqve dignitates et iura violasset, neqve regis, sed hostis animum rebus factisque declarasset. VI. Cernitur hic necessitas evidens, quae movit Ordines, ut Zuendebaldum privarent regno, cuius ea tunc ratio erat, ut ab assensu et suffragio Ordinum penderet. VII. Proinde bello, quod eo rerum statu extremum erat servandae libertatis remedium, iura atqve immunitates suas propugnarunt, et in *facto* violatarum regni legum manifesto sese opposuerunt, praelioqve superatum interemerunt. IIX. Caeso Zuendebaldo, adhuc supremum ius potestatemqve regni Germanici agnoverunt, et Ludovicum IV. pro rege suo legitimo habuerunt, solenniterqve declararunt. IX. Acta quidem huius conventionis deperdita sunt, sed nihilominus ex Reginone liquet, proceres regni Lothariani non aliter, quam mero liberoqve suffragio regem sibi constituisse. X. Regna ergo veterum sequiorumqve Germanorum vel dignitatem praecipuamqve duntaxat

auctoritatem, vel potestatem, eamque populi suffragiis adstrictam habuerunt, et procedente tempore etiam inodum formamque mutarunt, atque adeo ad unam et communem regulam exigenda non sunt, quod vel de primo Burgundionum regno constat, *Guillm. de reb. Helvet. lib. II. cap. 8.*

LXIV. Quamobrem Carolus simplex nullo iure invasit Lotharingiam, quippe Germaniae regno iampridem coniunctam, et proxime iterum *postliminio* innexam. Omnino enim ad Conradi I. tanquam legitime electi in regno Germaniae *successoris* dominium pertinuit, nec patientia, neque cessione eius amissa est, cum priusquam id impedire posset, fatis concederet, atque omne ipsius ius, in quantum ad regnum Germaniae spectabat, libera et legitima *electione* ad Henricum Aucupem devolveretur. Qui simulac repressit Hungaros, statim se comparavit ad repetendam Lotharingiam, finesque regni, quos Conradus I. non defenderat, diligenter et animose tutatus est, atque ea res ipsi pariter gloriosa, et Germaniae salutaris fuit. Autore VVittechindo constat, Henricum Aucupem *ob regnum Lotbarii movisse castra contra Carolum (simplicem) eiusque saepius fuisse exercitum, virumque fortem adiuvisse fortunam, annal. lib. 1.* Conradus equidem nihil de regno Germaniae detraxit, nihilque pro derelicto habuit, sed pro misero temporum statu limites regni non custodivit, atque hanc ob causam Principes vel maxime offendit. Indicat hoc *Gobelinus Persona Cosmodromii aetat. VI. cap. 46.* Non vero hinc iuste acqvirendi titulum sumere sibi potuit Carolus simplex, quando Conradus I. componendis domi rebus intentus atque occupatus, non statim quidem eius conatibus obfistere valuit, neque tamen ullum *derelicti* iuris indicium praebuit, et animo ac voluntate Lotharingiae dominium retinuit, idque ab excessu eius vindicavit Henricus Auceps, neque alia, quam hac tali ratione vindicare potuit, et firma

demum mutuaque pactione prorsus atque omnino stabilivit. *Reginonis supplem. DCCCCXXIV. Sigebertus an 923.* Cuius cessionis causa sic bello accepta referri debet, ut totum eius fundamentum ponatur in vero, nec dum extincto supremo iure, quod Germania a tempore coniunctae Lotharingiae obtinuit, quodque rex Germaniae Conradus I. cum omnibus partibus atque accessionibus suis transiit atque devolvit ad Henric. Aucupem Germaniae regem. *Hadr. Valesius* studio praeterit quaestionem de iure Caroli simplicis, neque tamen inficiatur, *regnum Lotharingiae cum regno Germaniae fuisse coniunctum, Notit. Galliarum in Lotharii regno.* Minus sincere, et nimis audacter pronunciavit scriptor *disertationis Gallicae anonymus*, qui regibus Germanicis, non quatenus Germanicis, sed quatenus Regum Francorum sanguine oriundis Lotharingiam fuisse obnoxiam putat, tantumque abest, ut iure possessionem concedat, ut quoque nihil praeterquam eius *usurpationem* largiatur. At vero hoc omni ratione destituitur, et repugnare divisioni superius memoratae, quae suum cuique ius tribuit, Germaniamque in eum statum deduxit, ut posthac ab imperio Francico libera separataque esset. Cum tali et tam iusto inter gentes titulo nixa per se consisteret, non alii et separato regno quidquam acquisivit, nec alius et separati regni rationem in acquirendo habuit, sed sibi ipsi acquisivit, eo modo et iuris effectus, quo dominium et acquiritur, et stabilitur inter gentes. Deinde accessit Lotharingia, postquam Germania iamdudum consensu et pacto suam et divisam a Francia ditionem tenebat. Iuste ideo Germaniae in separatos fines descriptae, Reges acquisiverunt regnum Lotharingiae, et legitime possederunt, neque facto suo commeriti sunt, ut Lotharingiae *usurpatores* appellerentur. *Michael Antonius Baudrandus in Geographia nuper edita* Lotharingiam Galliae regionem nominasse contentus, nihil ad huius argumenti notitiam at-

lit, etsi alias in regionum urbiumque nominibus ad mediae aetatis historiam pertinentibus, sequitur Hadrianum Valefium, et sine dubio innuit Galliam Belgicam, quomodo Lotharingiam appellari constat, *Gottfr. Viterbiens. Chron. part. XVII. p. 470.* Non capio, quid sit, quod Nicolaus Clemens Trelaeus scripsit, Ludovicum, Carolomannum, Carolum Crassum, Arnolphum, Zuendebaldum, Ludovicum IV. Conradum fuisse interreges, confusisque imperiis Lotharingiae, praefuisse, *in Austras. reg. p. 61.* Non enim dici possunt interreges, qui suo et vero iure regnarunt, etsi vel maxime ponitur fuisse interregnum, antequam plerique eorum regnarent. Multo minus Lotharingiae confusis imperiis praefuerunt, quando iidem Germaniae et Lotharingiae Reges fuerunt. Nec desunt tabulae, in quibus superiores Germaniae Reges *praedecessorum* regumque nomine appellati sunt a veris regibus, et in Lotharingia successoribus. Extat eam in rei diploma anno DCCCCXLVI. confectum, in quo Rex Germaniae Otto I. ad quem supremum Lotharingiae dominium spectabat titulo *praedecessorum* cohonestavit Arnolphum, Zuendebaldum, Ludovicum Arnolphi F. et ius atque supremam eorum potestatem in Lotharingiam agnovit et fassus est, *apud Willb. Kyriandrum Aug. Treviror. annal. part. XI.* Illud vero Conradi I. regis iuri non officit, quod eodem in diplomate Carolum simplicem, nulla facta Conradi I. mentione, Ludovico statim subiunxit. Nam et ibi omisit Henricum Aucupem, de quo tamen non ambigitur, quin Lotharingiam armis reperitam, et iurata Caroli simplicis cessione traditam in ditioe et potestate sua habuerit. Carolus inseritur, non quod *invasionis* vitium Conradi I. patientia aut pactione purgarit, sed quia in regno iniuste occupato *concessionem* legitimorum regum per se validas contrario facto non prohibuit, atque *Abbatiae* Traiectensis cum Trevirorum metropoli coniunctionem in statu, quo haecenus erat,

erat, reliquit. Conradus autem domi impeditus, nec praevenire Caroli invadentis impetum, nec statim reprimere, potuit, neque expectavit talem *violentiam*, quae cum iusto bello nihil commune habuit, quaeque non Lotharingiae, ius, sed solam eius administrationem intercepit. Multis enim actibus et signis testatum fecit Conradus Rex, nolle se, pro derelicta habere Lotharingiam, quippe quam recuperare omnino voluit, atque eam ob causam Giselfbertum Lotharingiae principem, antea factiosum et perfidum, secum, redegit in gratiam, et versus Lotharingiam movit, atque illius repetendae spem non abiecit, quod dominii non derelicti insigne fuit documentum. Quam in sententiam vel unicum, quatenus praesenti instituto sufficit, adduco Liuthprandum, qui simul causam affert, quomobrem Giselfbertus ad officium fidemque Conradi I. redierit, *bist. lib. I. cap. 7. Suffragatur Sigebertus Gemblacensis Chronograph. an. 914.* Cum haec fierent, et reliqui etiam Germaniae Principes Conrado I. reconciliarentur, solus Baioariae Dux Arnoldus pertinax fuit, atque in Hungariam profugit, et usque ad Regis mortem illic permanfit, *apud Sigebertum ibidem, et apud Andream Presbyter. in Chron. Bavar. p. 34.*

LXV. Quamvis autem deinceps forte non idem esset animus et consilium omnibus Lotharingiae proceribus, tamen haec studiorum voluntatumque subsecuta dissimilitudo obligationem antea contractam non sustulit, nec efficere, potuit, ut ius Conrado I. semel libero legitimoque Processum Lotharianorum suffragio in Lotharingiam quaesitum, ullo et idoneo et sufficienti argumento labefactaretur. Iohannes quidem Monachus Nussliensis fide antiqui *Collectoris* refert, per haec tempora Reges Francorum gubernasse Brabantiam et Lotharingiam, sed non diu, *Magn. Chron. Belg. in Conrado I.* Nec modo, quod Lotharingiam attinet, non diu, sed ne iuste quidem, quando ius regendi specto, quod fuit

fuit mansitque penes Conradum I. Praeter meritum Christophorus Brovverus, vir ceteroqvi rerum Lotharingicarum peritissimus, affirmat, per ignaviam socordiamque Conradi accidisse, ut ius Lotharingiae transferretur ad Carolum simplicem, quod publica diplomatum subscriptione notum restatumque facere consuevisset, *annal. Trevir. lib. IX. p. 446.* Gessit, fateor, se pro Lotharingiae domino, et sacris profanisque rebus ibi disponendis curam adhibuit, *apud Ioannem Chapeavillium rer. Leod. tom. I. cap. XL.* Verum ista *usurpatio* ius dare non potuit, neque *occupationis* titulus valuit, cum Lotharingia non esset nullius, nec *civiliter* possideri desineret, eo quod de animo voluntateque Conradi I. satis constaret. Aubertus Miracus existimat, Ludovico IV. sine liberis mortuo, *Carolo simplici, ut legitimo heredi, iure licuisse non regnum modo Lotbarii, sed Germaniam quoque ipsam, si par in armis vis fuisset, repetere, Cod. donat. cap. XXVII.* Eandem in sententiam Iacobus Sirmondus, et alii plures discesserunt. At quia Germania iamdudum Francici iuris esse, desierat, et superiori divisionis pacto in suos separatosque, fines descripta, atque a regno Franciae Occiduae prorsus se iuncta erat, nulla et quidem solida ratio afferri potest, quam obrem Carolus simplex persequendi in Germaniam Lotharingiamque iuris animi retineret, propterea quod ratione eius nullum plane ius habuit, et sine Conradi I. voluntate etiam nihil ibi acquirere potuit, atque adeo sine titulo regnavit in Lotharingia, quatenus ea Germanicae ditionis fuit. Paulus Aemilius narrat, Carolum simpl. recepisse Lotharingiam, et non obscure forsan *iuspostliminii* denotasse videtur, quod tamen voluntati et pacto superiorum, dividendium non congruit, et Franciae a Germania dudum separatae adversatur. *lib. 3. de reb. gest. Franc. Sedis mea quidem opinione secutus est Sigebertum, qui receptionem facti, non iuris designat.*

LXVI. Quare sicut regnum Germanicum suffragio et iudicio eligentium Germaniae procerum ad Conradum I. non obnitante et reclamante Carolo simplice, ex iusta causa delatum est, ita Lotharingici Ordines initio cum eligentibus his consensere, et una eademque sententia ius atque potestatem in se Conrado I. libenter meritoque assignarunt. Fuit ergo hic verus titulus et legitima *electio*, quae animos consiliaque optimatum Lotharingiae iunxit, vel si accurate loqui cupio, fuit potius *creatio*, quae eo valet, ut ius quae situm significantius exprimitur, quod in tantum Germaniae conveniebat, in quantum ei innexa erat Lotharingia, atque hoc modo fiebat, ut Lothariani proceres nec transferendi Lotharingiae dominii facultatem, neque eximendi se ab imperio regum Germaniae potestatem haberent. Sine dubio haec firma iuris Germanici ratio movit tandem Reges Carolum simplicem, et Lotharium eius nepotem, ut fide iurisiurandi interposita de Lotharingiae possessione decederent, atque ei in solidum renunciarent, idoneisque et veris dominis restituerent, atque vel his rebus iustitiam causae Germanicae approbarent. Utrumque testatur Sigebertus, et Lotharingiam ab Henrico I. vindicatam, atque ab Ottone ipsius filio defensam luculenter tradit, *an. 923. et 980.* Quod adeo certum manifestumque est, ut regni Lothariensis annos titulumque prudentes scientesque distinguant, et ius Germaniae diu fundatum firmatumque apto et sapienti consilio ostendant atque testentur. Extant diplomata et chartae apud Miraeum, Chiffletium et passim, quae historicis lucem afferre possunt. Tanto minus habuit *Gvilelmus Marlor*, cur de Ottone Imp. dubitaret, et VVilhelmo Nangio, nugis naeniisque referto assentiretur, *metropol. Remens. bist. tom. II. p. 30.* Etenim non fallens summae potestatis argumentum fuit, quod Otto I. fratrem Henricum Lotharingiae praefecit, eumque nexu clientelae sibi devinxit, *apud Fro-*

doardum Chron. an. DCCCCXXXIX. Ratio probandi in eo sita est, quoniam, qui provinciae alicuius Ordines populumque ad obsequium redegit, atque ius in eam a patre transmissum et roboratum iusto gentium more tutatus est, et potestatem hanc revera tenuit, et usu atque exemplo comprobavit, is non potuit non habere supremum et civile eius imperium, atque adeo nemini tanquam domino clientelae obnoxium, vel quo quomodo dependens. Nunc vero quum de Ottone M. quaeritur, hoc firmis evidentibusque indiciis constat, et res ipsa loquitur, cum iure regni instituisse Lotharingiae duces, et ducatum concessisse ac tradidisse, et omnes summi imperii actus revera exercuisse. Vtique igitur operam perdunt omnes, quotquot existimant, Ottonem II. a rege Francorum accepisse Lotharingiam beneficiariam, quam suo et a nemine, tanquam a superiore et concedente deducto iure, tenebat ac tuebatur. Quorsum spectat *Sigbertus an. 945. 980.* Ingenue Paulus Aemilius scribit, Carolum Lotharii fratrem, tradito ab Ottone II. Lotharingiae ducatu, *beneficium Caesarum iureiurando effectum esse, lib. 3. de reb. gest. Franc.* Nec dissentit Robertus Gagvinus, qui Lotharingiam beneficio Ottonis Carolo datam memorat, *lib. 5. cap. 6. bist. Franc.* *Necque hic praeteriri debet Io. Iacobi Chiffletii commentarius Lotbariensis.*

LXVII. Vehementer quidem Reges Francorum pro Lotharingia ditioni suae coniungenda annitebantur, et portione, quae ex pactione Marfanensi obtigerat, non contenti, citeriorem quoque et Germanicam contra ius fasque conatu interdum non irritò invadebant, atque ad imperata facienda adigebant. Sed cum ea deinde cederent, rationesque suas necessitate belli mutatas ad iustitiam referrent, Francorum Proceres Germanici nominis aemulatione commoti, Carolum simplicem regni possessione multarunt, animosque sensim a propagine eius abalienatos, in aliam, et
 qui.

quidem Capetinam familiam inclinarunt, atque ab excessu Ludovici V. nullos posthac ex genere Carolino reges habuerunt. *Causam offensae exponunt Paulus Aemilius lib. 3. Marchantius Flandr. lib. 2. p. 222.* De Lotharingia autem semper cum discrimine, quod ante memoratam divisionem respicit, tractandum est, quatenus vel cum Germania, vel cum Francia Gallica coaluit, atque adeo vel citerior, vel ulterior facta est: citerior deinde tributa est in superiorem, cui Alsatia, quam studiose perquisivit *Cl. Vricus Obrechtus*, accessit et innexa est, et inferiorem, quae patebat ultra Treviros, aliosque intra Germaniae per Ludovicum Germanicum ampliatae fines complectebatur. Ad quod argumentum spectant omnino *Bronneri annales Trevirenses*.

LXVIII. Ceterum potior iuris ratio causaque fuit Germanis, ut ex alia stirpe Reges sibi eligerent, quam ea quidem esse potuit Francis, quorum familia regnans nondum defecerat, atque dubia saltem, nec omnino manifesta eligendi libertas erat. Nisi igitur, mortuo Ludovico quinto, Franciae Gallicae populus sui iuris factus est, non apparet, quamobrem ei potestas auferendi regni tribuatur. Praesertim quum agnationis ratio intervenit, et ius succedendi notum, evidensque est, maxime in eo regno, quod inde a Carolo calvo ad omnes ex *divisa Francorum linea* per virilem sexum, descendentes pertinebat. Contra Germani defuncto Ludovico IV. Arnolphi filio, in eum sane statum devenerunt, ut suo liberoque eligendi iure uterentur. Non enim modo dudum sub Francis esse desierant, sed quoque in regno separatim constituto, et usque a Ludovico Germanico ad Ludovicum IV. *in separata serie* ultimum continuato, tantisper manserunt, dum is e vita decederet, *lineamque divisam* finiret. Hoc modo ius regum Germanorum morte Ludovici IV. plane extinctum est, populusque liberam eligendi potestatem obtinuit, et ruentis prope reipublicae fulcimen-

tum gravi et iusta ex causa quæsiuit. Quo tempore is rerum status erat, ut reges ex Saxonia peti necesse esset, regniqve insignia ad Ottonem Saxonum ducem perferrentur. Qui ætatis excusatione usus, auctoritate et suffragio suo effecit, ut Conradus Rex Germanorum designaretur. Totum *electionis* actum eventumqve breviter et ingenue describit monachus Corbeiae Saxonicae VVitichindus. *Ultimus Carolum apud Orientales Francos imperantium Luitovicus ex Arnulfo fratrele Caroli, cuius Lotbarii Regis proavi, natus erat.* Et paulo post. *Regi autem Lotborigo non erat filius, omnisque populus Francorum atqve Saxonum quærebat Ottoni diadema imponere regni.* Ipse vero quasi iam gravior recusabat imperii onus: eius tamen consultu Conradus quondam dux Francorum ungitur in regem. *Annal. I.* Quæ res quidem opportune peracta est, et iuris apud gentes comprobati effectum habuit, et feliciter etiam successit. Etenim sciebant Germani, et recte iudicabant, regnum suæ nationis separatum esse a Francis et liberum, atqve hoc iure posse uti in actibus iure gentium licitis, et extincta *regnante linea*, non se impediri, quin alios ex sua liberaqve Teutonicorum natione reges eligant, remqve publicam servant. Ex adverso Carolus simplex in regno alieno, et solenni iurataqve pactione separato, armisque defenso non modo non ius prohibendi habuit, sed ne Franciæ quidem regnum tueri potuit, rerumqve adeo afflictarum remedium domi non reperit, sed foris quæsiuit. In his Caroli simpl. angustiis, atqve in his procerum dissidiis sane Respublica Germanorum peritura erat, si consilium et auctoritatem, et regem a Francia Gallica expectare debuisset. Paulus Aemilius diffiteri non potuit, Carolum simplicem petiisse auxilia Henrici Aucupis, et sibi ipsi consulere non potuisse. Profecto non sterisset Germaniæ regnum, sed ab Hungaris Venedisque eversum fuisset, nisi Francorum Saxonumqve populus ele-

gisset

gisset Henricum Aucupem, regemque accepisset ad resistendum barbaris manu et consilio promptum. Etenim una tunc spes in armis erat, et ignavus timidusque rex salutem publicam servare non poterat, quando non praeda solum, sed libertas ipsa petebatur. Id quod consilio atque iudicio Conradi I. et principum populiisque suffragio ex asse congruebat. *Viticbind. annal. Sax. I. Dietmarus Merseburg. Chron. lib. 1.*

LXIX. Quamobrem iusta liberaque fuit Germanorum *electio*, et multis solidisque fundamentis innixa est, quae nullis quidem argutis haecenus convelli potuerunt. Ac I. Germania non fuit innexa Franciae, neque voluit Carolus M. ut hanc legem acciperet, atque in Francorum provinciam redigeretur. II. postquam vero Francica esse desiit, non mansit in eo statu, quo antehac erat coniuncta cum regno Franciae, sed iam suo atque separato à Francia Gallica imperio utebatur. III. Non enim modo *lineae* regnantes, sed etiam regna ipsa sciuncta sunt, cum ea res inter pares habilesque *dividentes* acta, eorumque iureiurando pariter et procerum cuiusque regni consensu firmata fuerit, et iure gentium robur acceperit. IV. Speciatim moribus Germanorum tamdiu Franciae Germanicae imperium apud Ludovici Germanici propaginem mansit, donec aliquis ex ea, tanquam primi in *separata linea* acqvirentis superesset. V. Supremum ergo dominium Franciae Germanicae transactione Fontanidensi translatum alienatumque est, adeo ut deinceps *lineae* a Carolo calvo descendens nulla ratio haberetur. VI. In qua causa iudicio populi Germanici standum erat, qui *ius divisae lineae*, quae Germaniam acqvisevit, pronatione Germanica, extra quam erat Carolus simplex, interpretatus est, eamque sententiam publice dixit, et inaugurationis actu declaravit. VII. Itaque nihil impediebat agnatio, quominus *linea acqvirente* sublata, regnum

Germaniae ad aliam, eamque nationis Germanicae familiam transferretur. IIX. Enimvero ius regnandi, quod *patritia cessione* acqviienti Germaniam obtigit, in gente Germanica fundatum, et iusta ac diuturna et sexaginta annos excedente possessione in Ludovici Germanici posteris continuatum, ac deinde post fatalem eorum casum, ad alias Germanicae nationis familias ex gravi necessariaque causa translatum, ac septingentis et septuaginta annis sine contradictione cultarum Europae gentium sub nomine et iure Germanico servatum fuit. IX. *Linea*, quae a Carolo calvo constituta est, auxilio eqvidem Ludovici Germanici se firmavit, ac deinceps tempore irruptionis Normannicae suis viribus se defendere non potuit, Germanorumque regno iterum se iunxit et paruit, ut necessitati cederet, exitumque vitaret. Contra Germani a Francorum imperio separati, nunquam à iure suo discedere, neque cum Francis in regni societatem redire voluerunt, atque hanc libertatem omnibus rebus potiozem duxerunt, et sobolem Carolinae stirpi agnatam regno suae nationis arcendam esse sapienter putarunt. X. Sive enim ex iuris, sive ex prudentiae capite statuatur, consilium hoc maturum et rectum, atque in tantum cum Germaniae salute coniunctum fuit, in quantum aditus praecludebatur Francis ad imperium in Germanos capeffendum. XI. Quod Germanorum institutum deinceps imitandum esse censuerunt Franci, cum defuncto Ludovico V. Carolini sanguinis nullam rationem ducerent, Carolumque eius patrum, et Lotharingiae ducem praeterrirent. Sed non pari et eodem iuris momento, quo Germani se tueri potuerunt, propterea quod Francorum *linea* nondum tota defecerat, ratioque necessitudinis propior obstabat, quominus perinde liberum eligendi ius haberent, ac Germani. XII. Quoniam vero nihilominus Franci aliam et a Carolina diversam familiam evexerunt ad Franciae regnum,

gnum, non est, cur graviter ferant, Germanos hoc iure fuisse usos, hoc magis, quod extincta Ludovici IV. *linea*, cui se et nationis suae regnum addixerant, eam eligendi libertatem consecuti sunt, et reipsa demonstrarunt. XIII. Saltem enim tantundem effecit et valuit Germanorum *electio*, quantum efficere et valere potuit *electio* Francorum, qui Carolo duci iuris per agnationem quaesiti viam aditumque intercluserunt. XIV. Etsi autem utrinque non fuit idem ius et ratio aequaliter movens, ut paulo ante dixi, tamen adducitur quoddam indicium *praesumptae mentis* Caroli a regno Franciae alienioris, idque non prorsus inane videtur, et extat apud Paulum Aemilium, qui tradit, eum *Germanorum imperii totum fuisse*, cuius auspicio beneficioque ducatum Lotharingiae tenebat. Non minor autem metus nec debiliior coniectura fuit Germanorum, Carolum simplicem excludentium, quippe qui ab initio praecipue in Franciam Gallicam pronior erat, nec multo post fines Germaniae infestabat, et iniquum in Germanos animum his et aliis rebus declarabat. Quem cum postea mutaret, Germanosque sibi conciliaret, ac Lotharingiam redderet, hoc existimari coepit non modo negligentiae, sed etiam iniuriae in Francorum nomen admissae argumentum, adeo ut traderetur in custodiam, regniisque possessione privaretur. XIV. Quanto sapientius ergo Germani cum regem accipere noluerunt, ad quem accipiendum nullo iuris vinculo obligati erant, praesertim cum ex natione sua accersere et eligere reges idoneos utilesque possent, et omnino etiam deberent. XV. Quorsum afferri solet Conradi I. necessitudo cum genere Carolino, ut ratio causaque *electionis* Germanorum exprimatur. Quae non solum incerta, sed quoque falsa est, et refellitur auctoritate veteris Francorum Chronici, quod extat in *bibliotheca Vindobonensi apud P. Lambecium lib. II. p. 394.* Tum vero Germani lege quadam necessitatis inevitabilis non erant adstricti ad agnatam *lineam*,
et

testatemque *electione* collatam, et omnium Europae gentium consensione approbatam perpetuo et septingentis annis amplius retinuerunt, et tam diuturna atque non dubia tot seculorum possessione se muniverunt, et ipsi denique reges Capetini, Valelii pariter et Bourbonii agnoverunt et fassii sunt, atque ex his praecipue regnantis etiamnum *lineae* magnus conditor Henricus IV. id assensu suo comprobavit, quamvis alioqui rerum consiliorumque Europae Christianae arbitrium summo studio captaret. Quin etiam hodierni, iique speciosi *reunionum et dependentiarum* tituli non spectant ad repetendam Germaniam, quae iam ultra septingentos annos Francorum esse desit, et nunquam Capetinis paruit, sed ob cessos pace Vestphalica Episcopatus adornantur. Proinde aliquid monstri alunt, qui seorsim instaurandum Anstrasiae regnum suspicantur et cogitant, quando et ingenium monarchiae Gallicae ignorant, et rerum consiliorumque imperitiam oppido testantur. Igitur mihi non satisfacit in hoc argumento *Gabriel Schvvederus introd. in ius publ. part. gen. cap. 4. p. 108.*

LXX. Sed enimvero ex ruinis antiqui Lothariensis regni, duo Lotharingiae *ducatus* exorti sunt, quorum alter insignem Mosellae tractum, alter magnam Brabantiae partem, complexus est, et uterque cum regno Germaniae ita coaluit, ut uterque esset vera eius pars, et eodem iure contineretur. Ac ducatus quidem Mosellanus sine omni dubitatione mansit in fide et clientela Regum Germaniae, et comprehensus est ambitu superioris Lotharingiae, atque aliquandiu coniunctam habuit Ripuariam et Cismosanam regionem, et utramque Henricus Auceps, et Otto I. in potestate sua tenuerunt, et utrique etiam supremo iure suo duces imposuerunt, *apud Sigebertum an. 923. 9. 15. Gobelin. aet. VI. cap. 47.* Deinde Otto II. Ripuariam, quae Lotharingia fuit inferior, Carolo Lotharū Francorum regis fratri sub auspiciis Germani-

cis habendam attribuit, et eo iure nunquam cessit, *Sigebertus an. 977. Ibidem Franciscus Haraeus, qui ratione huius Lotharingiae in reges nostrates iniquior est, ante quem Petrus Divaeus scripsit testatusque est nexum beneficiarium, quo devinctus erat Ottoni II. Carolus ob Lotharingiam inferiorem, rer. Brabant. lib. VI.* Itaque Otto II. omni studio illuc incubuit, ut hanc declivem Lotharingiam iuri nominiqve Germanico servaret, et nova, eaqve iurata Lotharii regis Francorum cessione, quae titulum occupatione firmiorem dabat, verum atqve supremum dominium sibi confirmaret, *Sigebertus an. 980. Christophorus Brøggerus annal. Trev. lib. X.* Robertus Gagvinus existimavit, Lotharingiam ad Ottonem usque III. permanisse: quod si de supremo in eam iure ac potestate regum Germaniae intelligere voluit, erroneum est, quoniam non ignorare debuit, Imperatores, in quantum Germaniae reges, etiam sequentibus seculis, et continuato supremi domini iure res ducatus huius disposuisse, et inter Saliqvos Henricum V. ex lege maiestatis eo privasse Henricum Limburgium, et Godofredo Comiti Lovanienti assignasse, *Sigeb. an. 1106. et an. 1107. ubi exducem appellat.* Nam de coniunctione Lotharingiae verba ea me interpretari prohibet Ottonis II. beneficiaria concessio, quandoquidem ea spectabat ad inferiorem Lotharingiam, quae iam tum a Mosellanorum tractu seiuncta erat. Postero tempore accessit ad Lovanii Comites, et Ducum Brabantiae titulum auxit, atqve hinc factum est, ut Godofredi Lovanientis posteri Lotharingiae pariter et Brabantiae duces sese appellarent. Quod ab aetate Henrici IV. usuvenisse tradit rerum Brabanticarum scriptor *Petrus Divaeus lib. VII.* Confidenter scribit Iustus Lipsius, apud Brabantos non reperiri Ducatus nomen ante Henricum Quartum Lovanii Comitem, *in Lovan. lib. I. cap. 13.* E diverso alii primum Ducis Brabantiae titulum ab Henrico III. sumtum affirmant, *inter quos praecipuus est*

Io. Gerbrandus a Leïdus, et causam rationemque asciti huius tituli memorat Cbron. Belg. lib. XXIII. c. 14. Quem sequitur Iacobus Meyerus in annalibus Flandriae, lib. IX. an. MCCXLVII. Nec dissentit Carolus Scribanius quando Henricum III. Brabantiae et Lotharingiae Ducem vocat, in orig. Antwerp. cap. IX. p. 94. Idemque approbant Petrus Loubdus in notis ad historiam Ioannis Molanicap. LXI. et Ferreolus Locrius chr. Belg. an. 1247. Alius repetit Aubertus Miraëus ab Henrico II. neque mihi non exploratum est, extare tabulas, quae confirmant, Henricum II. nunc Brabantiae seorsim, nunc Lotharingiae et Brabantiae ducem fuisse appellatum. In notitia Eccles. Belg. cap. CCXI. et CCXVI. Aliquando tamen hos titulos variasse constat, et ipse adeo dubitat Franciscus Haraëus, et ab Henrico IV. seriem ducum auspicatur, annal. Brab. p. 232.

LXXI. In praesens meo instituto ostendisse sufficit, Lotharingiae inferioris Brabantiaeque ducatum et a regibus Germaniae institutum, et lege beneficiaria concessum et confirmatum fuisse, Quod usu probarunt Otto II. et alii Caesares, quorum morte hoc ius adeo non sublatum est, ut quoque post Ortonis III. decessum, Henricus sanctus ducatum conferret in Godofredum Arduennae Comitem, qui eum titulo beneficii suscepit atque possedit, apud monachum Nussensem in magno chr. Belg. 96. et 97. Sigebert. an. 1005. Is decessit sine liberis, et Imperatore consentiente fratrem a latere successorem habuit, ei que deinceps Conradus Saliquus ducatum Mosellanum hactenus a Lotharingia separatam sub Imperii clientela tenendum attribuit, rursusque coniunxit. Quo tempore quidem Robertus Hugonis Capeti filius ad occupandam Lotharingiam animum adiecit, sed ea spes irrita fuit, quod Conradus huius nominis II. in ducatu sub auspiciis Germanicis acquisito ius et leges composuit, et nihil, quod fraudi sibi esset, fieri permittit. Sigebertus an. 1026. et 1033. Ab huius Ducis excessu Mosellae principatus, volente

Henrico III. Saliqvo, iterum a Lotharingiae ducatu avulsus est, magnaque rerum mutatio contigit, adeo ut Godofredus II. per Imperatoris sententiam ducatu Lotharingiae privaretur. *Sigebertus an. 1044 seq. 1048.* Pari auctoritate ius asseruit Henricus IV. et defuncto sine sobole Friderico, ducatum Lotharingiae vacuum beneficiario nomine impertitus est Godofredo, apud eundem *an. 1065. Ac idem ille est, cuius meminit Hermannus Contractus in Chron. an. eod.* Postea Saliqvorum ultimus Henricus V. ex capite perfidiae vindicavit in Henricum Limburgi Comitem, ducatumque ad Godofredum Lovanii Comitem transtulit, atque cum nova dignitate et insigni regione auxit, *Sigebertus an. 1106. Iac. Meyerus in annal. Flandr. an. eod. Petrus Divaeus rer. Brab. lib. VI. et VII. Hadrianus Barlandus nec temporum notas, nec mutationum periodos ac intervalla accurate exequitur, ac de Godofredo hoc Duce tradit cap. XXVII. XXVIII. XXIX. in Chron. Brabantiae ducum.* Non sibi constat Petrus Louvvius, quum Ducatum Lotharingiae Godofredo in hereditatem traditum fuisse dicit, et deinde statuit, eum ab Imp. Henrico V. non potuisse dari Godofredo ipsius genero in dotem, *Not. ad bistor. Molani cap. LV.* Nam Lovanii comitatus, qui in Godofredi patrimonio numeratur, non erat integra Brabantia, et negari non debet, totam Lotharingiam inferiorem, in quantum ducatus nomine venit, femineum esse beneficium, atque adeo et dari et accipi potuisse in dotem, quatenus de iure et potestate dantis Imperatoris nunc certi sumus. *Interim de feudo Lotharingiae femineo vid. Fr. Haraeus in annal. Brabantiae Principum p. 166.* Quibus ita gestis hic ducatus iterum Godefrido ereptus, et auspiciis Lotharii II. Saxonis Valeramo Limburgio Comiti attributus est, sed Lothario vivis exempto, Conradus III. eum Godofredo barbato restituit, atque in paterna successione confirmavit, *apud Monachum Nussiensis p. 156. et 107.* Huius nepoti Godofredo
 prac-

prater studium favoremque Conradi Caesaris, bene vertit matrimonium, quod cum Margaretha Limburgia contraxit, atque eo funesta Limburgiorum odia, et omnes superiorum temporum lites finivit, *apud eundem p. 196. nec non P. Divaeum lib. IX.* Inde fuit mansitque penes huius familiae Principes, donec perveniret ad Luxemburgios, Germaniae imperio semper obnoxios, inter quos Venceslaus ducta Iohannis III. filia, Brabantiam atque inferiorem Lotharingiam ratione imperii acquisitam, atque hoc modo Comitibus Lovaniensibus concessam et traditam, ac deinde per Iohannae ab iis oriundae connubium assensu omnium Brabantiae Ordinum delatam, sub auspiciis imperii suscepit. De Lovaniensibus a Godofredo barbato descendentibus illustre est Richardi regis Romanorum diploma, anno MCCLXVIII. confectum, in quo Iohannes I. Brabantiam et Lotharingiam, quam ratione imperii tenuit, ratione eiusdem a Romano rege recepit in feudum, et exinde homagium praestitit. *Notit. Eccles. Belg. cap. CCXXII.* Non potuit inficiari Divaeus, a tempore instituti huius ducatus, omnes Brabantiae duces inter imperii Principes fuisse connumeratos usque ad Antonium *lib. X. rer. Brab.* Haud dubie ergo Venceslaus Luxemburgius, qui praecessit Antonium, fuit Imperii Princeps, et ratione Brabantiae Imperio fidelis et obsequens fuit ac permansit, neque cum Venceslai morte ius imperii expiravit. Nota enim multumque agitata est controversia inter Sigismundum Imperatorem et Antonium Burgundum, quae ad terras Imperii, et sigillatim quoque ad *Leucorum* ducatum attinebat, et demum ea in re stirpis Luxemburgicae ius ex pacto convento quaesitum versabatur. Quam ob causam a Venceslao Rege legati missi sunt, qui defuncto patruo Venceslao Duce, postularent Brabantiae ducatum sub imperii auspiciis possidendum, *apud Divaeum lib. XV. p. 167. lib. XVI. p. 208. et lib. XVII. p. 219.* Illud quoque memoratu dignum

est, quod post decessum Antonii, Imperator Sigismundus Luxemburgius, Imperii et suae Domus iurium insigniter peritus, Brabantiae imperialem proscriptionem minatus est, quam minari non potuisset, nisi ius Imperii, et sententiam Electorum eam exposcentium plane cognitam habuisset, *Fr. Haraeus in Ducibus Brab. t. 1. pag. 395. et Divaeus lib. XVII.*

LXXII. Non potest iam non esse manifestum, quomodo, et quo iure hactenus Brabantia possessa fuerit, quam Duces Burgundiae non ratione Capetinae stirpis, nec ratione ditionis et patrimonii Francorum acquisiverunt, sed extra illius fines positam, et ex diversa causa partam, ac deinde ab Ottone II. a cetera Lotharingia separatam in fide et clientela imperii retinuerunt. Idcirco postquam Carolus audax Principem Imperii beneficiarium se professus est, et Imperatori Friderico III. solenniter iuravit de Principatibus, quos possedit intra Imperii fines, simul ei fidem nomine huius ducatus astrinxit. *Jacobus Meyerus in annal. Flandr. an. MCCCCLXXIII.* Permagnum hic omnino pondus habet ingenua regum Francorum confessio et assensus, spectatque eo Caroli IIX. epistola, in qua et suprema in Brabantiam iurisdictio, et legitimi Brabantiae Principis titulus Philippo Austrio Maximiliani I. filio adscribuntur, *apud Pontum Hutterum rer. Belg. lib. II.* In qua sententia omnes Francorum reges sibi constant, atque id probant acta illorum temporum, quibus controversia successionis Burgundicae contrariis studiis armisque disceptabatur. Cum enim Reges Valesii, caeso Carolo Duce Burgundionum ultimo, plebrasque Belgii provincias iure regni repeterent, tum inter eas praecipue Flandriam et Arresiam Franciae vindicasse contenti, nullam de Brabantia litem movebant. Neque etiamnum alia videtur opinio Regis Christianissimi Ludovici XIV. quando ob non solutam ex pacto nuptiali dotem, solo iuris devo-

lutionis apud Brabantos receptae argumento persuadere cupiebat, Brabantiam Reginae coniugi, tanquam natu maxime Philippi IV. filiae deberi. Sed haec *devolutio* ad privatas successiones pertinet, et locum tunc habet, si nemo ex virili genere superstes sit, qui ad successionem vocari queat, et demum Imperio non potest esse fraudi, cuius est beneficiarius iste Brabantiae Principatus. Eodem iure continetur Limburgi Ducatus, quem Iohannes I. Brabantiae Dux, emptionis, et belli transactionisque titulo Brabantiae ditionis fecit, et perpetuo ac *inseparabiliter* iunxit, *Pontus Henterus rer. Burgund. lib. VI. p. 259.* Quamobrem uterque ducatus lege beneficiaria Imperio obstrictus, et transactione Burgundica deinceps comprehensus, necdum a suprema imperii iurisdictione exemptus, et anno MDCLXVII. iterum una cum aliis *circuli* Burgundici provinciis publice talis habitus et agnitus, atque adeo in pristino clientelae statu relictus, ac denuo confirmatus fuit. Nulla imperii reverentia ductus est Petrus Louvvius, quum scripsit, Lotharingiam post Henricum V. non amplius pro domino agnovisse Caesarem, quod falsum esse, non dubiis rerum documentis probavi. Si quidquam posset tribui vulgaris, sed incertis aliquorum *genealogis*, quae Carolinas Austriasque necessitudines nectunt, non absurde liceret affirmare, Austrios aequae ac veteres Lovanii Comites in Lotharingiae inferioris Brabantiaeque ducatu *postliminio* successisse. Saepius autem mutavit dominos suos, et a familia Carolina pervenit ad Arduennae Comites, hinc ad Haginoae, id est, antiquissimos Hannoniae Comites, atque per hos ad Godofredum Bullonium, paterno genere Flandriae Comitem transiit: deinde ad Limburgios, mox ad Lovanii Comites, Caroli I. Lotharingiae inf. ducis heredes, ut nominat *Monachus Nussensis*: postea delatus est ad Luxemburgium Venceslaum, dynastis Lovanensibus necessitudine coniunctum, tum ad Burgundiae duces,

ces, genere Capetino ortos, et demum ad Austrios Habsburgios, penes quos etiamnum manet. *Pontus Heuterus in Genealogia Brabantica.* Tantum addo de Limburgi ducatu, cum *Luneburgiae* nomine perperam scriptum esse a *Monacho Nussensi in magno Chron. Belg. p. 351.*

LXXIII. Reliquus est Mosellanorum ducatus, qui regni quidem veteris Lothariani pars est, et inde ab ultimis Imperii Germanici temporibus ad Germaniam spectat, et intra eius fines iacet, et suprema illius iurisdictione continetur. Etenim Ludovicus iunior patris cognominis in regno Germaniae, parte Lotharingiae nuper auctae successor, istam deinde Lotharingiae portionem, quae Carolo calvo ex formula pacti Marfanensis obtigit, cessione Francorum obtinuit, totamque Lotharingiam ex integro coniunxit, et Germaniae illigavit. Quod accurate copioseque perscripsit Regino, et partis Lotharingiae, a Carolo calvo acquisitae, Francorumque regno coniunctae cessionem re ipsa factam, iurataque pactione firmatam esse, luculenter et sincere tradit, in *Chron. an. DCCCLXXXIX.* Tali pacto causam dedit bellum a Ludovici iuniori susceptum, cuius metu Ludovicus et Carolomannus inducti sunt in cessionis sententiam, cum intelligerent, propter avum tam acerbè in se consuli, et renovari superiora odia, et arma sumi, Lotharingiamque peti. Idcirco e republica fore arbitrati sunt, si parte iuris aviti cederent, regniisque servandi causa Lotharingiam ulteriorem, Francisque obnoxiam Ludovico iuniori traderent, et suprema eius potestate in solidum se abdicarent. Sine dubio assentiebantur Francorum proceres, et cupiebant hac conditione transigi, ut ne occupandi regni occasionem hosti darent. Verba *Abbatibus* concepta sunt, quae sequuntur. *Per id tempus Ludovicus, qui Austrasias* (Francis orientalibus, et adscriptis innoxisque eorum regno citerioribus Lotharingis) *imperabat, cognita morte acquiescens sui* (eiusdem nominis Ludovici, Balbi a

lin-

lingvae vitio appellati) *regnum illius* (Franciae occidentalis) *invadere disposuit, et transvadato Mosae imperii fines occupavit* (Lotharingiam ulteriorem, et Francia hucusque coniunctam, quam Brabantiae scriptores Cismosanam nominant, armis in potestatem redegit) *cui occurrerunt duo memorati fratres* (Ludovicus et Carolomannus, etsi natalibus non legitimis, aut sane dubiis et incertis, tamen in regnandi conditione relictis, regnum dividerunt et administrarunt, facultatemque paciscendi habuerunt) *cum valida manu, sed intercurrentibus vicissim legationibus, nequaquam pugna committitur, sed pax roboratur. Adolescentes, quo impetu foederatus ab eis recedere Ludovicus, portionem regni Lotharii, quam avus paterque* (Carolus calvus et Ludovicus Balbus) *senuerat, ex integro illi concesserunt.* Io. Iacobus Chiffletius, qui Lotharingiam multa industria et perquisivit, et Imperio vindicavit, Mosae transitum ad occupandum Barri tractum a Ludovico iuniore institutum fuisse coniecat. Sed expeditio haec imprimis ad Lotharingiam Francorum regno cessam comparata est, quorsum non pertinebat Barrum, si specto antiquum regni Lothariani limitem, intra quem Barrum fuisse, doceri potest argumentis minime infirmis, quae causae quoque Chiffletianae inservire possint. Omnino igitur Ludovicus iunior, Lotharingiam Cismosanam, nostri situs ratione ulteriorem, patri suo Ludovico Germanico velut propiori inique ereptam, ac deinde pacis causa pacto Marfanensi cessam, Caroli calvi, primi separatim acquirerentis, nepotibus eripuit, totamque sub auspiciis Germanicis coniunxit. Namque ab eo non satagente suarum rerum laecessus est iniusto bello, quod aliquanto post regnante Ludovico Balbo sopitum, sed hoc mortuo, rursus acius excitatum, prius congrua satisfactione componi non potuit, quam reliqua haec regni Lothariani portio Ludovico iuniori in perpetuum traderetur. Quare non ingende existimat *Anonymus* scriptor *appendicium de securitate imperii publica*, quum ita partibus stu-

des, ut persuadere velit, *pactionem a Balbi filiis factam magis personalem, quam realem fuisse.* Ad haec Ludovico II. Germanico, rebus humanis exempto, *totum regnum Lotharianum ipso iure rediisse ad regnum Franciae, id est, ad suum totum, et in Carolo crasso unitum fuisse, Mosamque desuisse esse terminum tuus divisionis.* Nec temperavit sibi Fr. Haraeus, quin plane inficiaretur hoc ius, quod Ludovico II. Germanico excessionem filiorum Balbi quaesitum est: ut non possim non mirari; cur I. Haraeus eidem regi sub nomine *invasoris* convicium dicat, prorsusque ita se gerat, ut non modo veritatem rei infringere, sed etiam sanctitatem pacti iurati convellere videatur. Postquam enim bellum pace pactioneque confectum est, desuit esse *invasor*, et Lotharingiam satisfactionis causa oblata et cessam sine vitio tenuit, iureque possedit. Argutiae huic argumento non conveniunt, neque iis immorabor. Etenim ratio acqvirendi, et conditio acqvirentis, et causa modusque cessionis non patiuntur, ut Ludovicus II. Germanicus pro se tantum acqvissivisse dicatur. Sane iactura Lotharingiae, regnum Francorum servari oportuit, atque adeo id inter partes paciscentes actum est, ut Lotharingiae pars, quae Francis obtigerat, nunc delineret esse Francorum, atque eius dominium ex capite cessionis abalienatum a Francis, *in persona* paciscentis Ludovici iunioris transferretur ad Germanos. Sive igitur suo, sive tutorum nomine sive summa auctoritate regia Ludovicus et Carolomannus pacem cum Ludovico iuniori fecerint, rata nihilominus firmaque manet ea pactio, quam necessitas temporum, salusque regni postulabant. Cum enim plerique Francorum procures regnum ipsum Ludovico Germanico iuniori destinarent, iamque de eo accersendo cogitarent, tum Hugo et Theodericus, aliique primores Francorum diversa consilia amplexi sunt, nec regnum, sed partem duntaxat regno nuper additam ei tribuendam tradendamque esse censuerunt. Proinde Galterus Aureliae epi-

episcopus cum his mandatis missus est ad Ludovicum Germaniae regem. *Si rex eam regni partem, quam ex Lotbarii hereditate Carolus calvus obtinuerat, sibi assumendam diceret, licere adire eam atque possidere, modo Franciam liberam dimittat.* Haftenus narrat Robertus Gagvinus, nationis suae alioqui studiosus, sed eo significantius totum hoc negotium descripsit Aimonius, et verbis non permissionem habendi, sed *oblationem* cessionemque denotantibus expressit, et Ludovicum *acceptam habuisse talem oblationem, et accepta regni (Lothariani) parte sibi oblata, ad palatium suum Francosurcis rediisse,* affirmavit, *lib. V. cap. 39.* Cui assentiens Regino graviter et dilucide memoravit, pactum hoc ultro citroque obligans, *datis sacramentis* insigne et sanctum fuisse, et quod inde sequitur, eo arctius pacifcentium animos mutuo sibi devinxisse, quod in superiori nec diuturna pactione, inter patruels Ludovicum iuniorem et Ludovicum balbum inita non usuvenit, quae deinceps contrario, eoque iurato atque irrevocabilis dominii vim habente pacto prorsus est sublata.

LXXIV. Constitutis hunc in modum rebus, insequentes Germaniae reges Lotharingiam coniunctam et integram, iusta et continuata sex et triginta annorum successione tenuerunt, donec Carolus simplex foedus iureiurando firmatum rumperet, cessionemque a patre factam deinceps irritam esse vellet. Sed nondum septem anni effluerant, quum conscientia alieni victus ablatam Lotharingiae possessionem Henrico Aucupi restituit et corroboravit. *Aegidius de Roya in annalibus Belgicis an. DCCCCXXXIII. incuius chronologia est mendum, quod ex Sigeberto licet castigare.* Ab illo restitutionis tempore Henricus Auceps rex totius Lotharingiae factus, primum in ea ducatum instituit, atque hunc deinde in Giselbertum contulit, ut suo nomine beneficioque superiori et inferiori Lotharingiae praesset, *Sigebert.*

gebert. chron. an. 927. Inde nullus dux fuit, quin supremum ius regum Germaniae agnosceret, adeo ut in utroque ducatu coniuncto pariter et diviso, inprimisque in superiori et Mosellano nullus nisi ab rege Teutonico constitutus, pro legitimo Lotharingiae possessore et duce haberetur. Quare veterem hanc regni Lothariani hereditatem diligenter et perpetuo factam tectam conservarunt omnes, quosqvot Henrico Aucupi in Germaniae regno successerunt, nominatim Ottones Augusti, Henricus sanctus, Saliqui, Hohenstauffii, et post magnum fataleque interregnum Caesares quoque nihil de eius dominio, cessione saltem sua, detraxerunt, atque in hac sententia sibi constiterunt. Enimvero Habsburgii et Luxemburgii non recesserunt ab hoc suo iure, et inter hos Sigismudus Imp. in concilio Basileensi pro Renato ducatum Lotharingicum ex connubio vindicante sententiam tulit, *Meyerus annal. Flandr. an. MCCCCXXXI. et Cbr. Brovv. annal. Trev. lib. XIX.* Vnde colligitur, non bene eos iudicasse, qui pronunciarunt, solis maribus addictam esse Lotharingiam, quando in publica successionis controversia decisum est, feminas inde non excludi, quod perinde in Lotharingia inferiori valet, ut paulo ante confirmavi.

LXXV. Dehinc imperante Maximiliano I. nihil a supremo ducatus Lotharingiae dominio ablatum alienatumque est, sed imo tunc tractatum laboratumque est de iure, in plerasque veteris Lotharingiae partes, valido et perpetuo foedere Germaniae innexas, quas reges Francorum dolo malo subtraxerunt, iustamque conquerendi causam dederunt. Extat etiamnum index, diligenter et ingenue excerptus ac editus, quo summatim consignata sunt, quae Franci ante Maximilianum regno Lothariano per iniuriam eripuerant, nec meliori modo cum regno Burgundico egerant, et pleraque Imperii beneficia, ac terras lege fiduciaria obnoxias ad se traxerant, eorumque ratione non aliter ac *defensores et usur-*

usurpatores denunciati fuerant, ut vel illud insigne publicumque documentum sufficere posset ad Francos, certe Maximiliani I. tempore, in mala fide constituendos, *apud Io. Iacob. Cbiffletium in vindiciis Hispanicis cap. XIII. unde repetit et laudat Cl. Herm. Conringius lib. de finibus Imperii Germanici cap. XXVI.* Post haec Maximiliani I. successor Carolus V. ducatum hunc nexu clientelae non solvit, neque eo instituta est Norimbergensis transactio, ut recideretur ab Imperii corpore, et desineret eius esse membrum, et tota adeo periret obligatio, qua beneficiarii principatus continentur. Saltem ergo Antonius Lotharingiae dux ea transactione, plenam libertatem non obtinuit, neque paciscentium ista mens fuit, ut a *fidelitate feudali* eximeretur. Saepe enim privilegia et immunitates conceduntur praeter *feudorum* regulam, salva nihilominus obligatione *feudali*, quae remissa non est, totaque igitur transactio huc spectat, ut duces Lotharingiae in posterum liberi sint ab Imperii iudiciis, atque ab eorum sententiis non fiant provocationes ad summum Imperii tribunal, nec teneantur lege *feudorum regularium*, ducatusque ipsorum sine *resumptione et hominio* ad successores atque heredes *feudales* perpetuo transmittantur. De cetero ad onera et tributa Imperii obligati mancant, *Vasallorumque imperialium* partes et officia semper sine exceptione agant. Id quod apte ex Francisco Thouvenino exponunt et illustrent *Cbiffletius in cap. X. com. Lotb. atque ex eo Conringius cap. XXVII. de fin. Imp. post utroque Iac. Bernb. Mulezius in diss. de libertate omnimoda cap. IX.* Quocirca non desit esse iuris imperialis, et amplius septingentis annis Regibus Germaniae devincta mansit, necdum eo iure per transactionem dictam excidit, sed iustum et nemini obnoxium Germaniae dominium semper et sine contradictione inviolatum pariter atque indubitatum iam inde ab Henrico Aucupe agnovit. Quod cur vi et *invasione* auferri non

possit, et nuper etiam neque pacto iniusto, neque facto violento eripi et interverti potuerit, evincere licet rationibus idoneis et firmis. Nam I. iuratum cessionis pactum effecit Lotharingiam aeterno foedere Germaniae obnoxiam, ut neutra deinde ab altera sciungi alienarique posset. II. Mala fides prohibet, quominus Franci partes ex Lotharingia detractas usuceperint, cum utique non potuerint accipere bona fide partem domini alieni, quod iusta et continuata multorum seculorum possessione pertinebat ad Germanos. III. Causa acqvirendi idonea et habilis deest in possessione Francorum, atque adeo non proficit ad dominium a Germanis in Francos transferendum. IV. Quando igitur, et quoad reges Germaniae non cesserunt iure portionum Lotharingicarum, quas Franci possident, sequitur, ut sint maneatque hi tamdiu malae fidei possessores, donec possidendi titulum probent. V. Hinc non veniunt in praesentem controversiam regiones et dioeceses, quae iure cessionis et transactionis in Francorum ditionem traditae et acceptae sunt, *instr. pac. Monaster. §. primo quod.* Nec prius vitium *invasionis et usurpationis* purgari potuit, quam Imperator et Imperium renunciarent suo iuri, quod tantisper manebat, dum servaretur id nomen ac titulus, quo et supremum dominium designatur, et animus retinendi declaratur, nisi quid sigillatim aliter conventum et expresse mutatum et cessum fuit. Quae ratio stat contra patientiam, et amolitur coniecturam derelicti, et vitiose possidentem interpellat, malamque fidem inducit, et quod summam dicendum est, *praescriptionem* interrumpit. VI. Simili ratione pronuncandum est de antiquis Lotharingiae partibus supremo F. Belgarum dominio attributis, quae non patientia, sed patientione plenam libertatem consequutae sunt, et iamdudum ex corpore Imperii avulsae, suo iure utuntur. VII. Quorsum spectant provinciae, quae de Imperio detractae,

ad

ad regnum Francorum accesserunt, quas si alio, quam cessionis titulo acquisiverunt, iniuste possident, et reddere omnino tenentur. IIX. Eo loco numeroque est ducatus superioris Lotharingiae, cuius dominium non potest alienari sine concessu domini *feudalis*, sineque consensu agnati iure sanguinis causam successionis suae fulcientis: multo minus, inconsulto et invito utroque, eius possessio subita et iniusta vi auferri potuit nuper. Res quippe aliena violenter intercepta, nec pacto cessa, nec derelicti indicio amissa, non desinit esse aliena, et vero domino manet obnoxia, eiusque possessio etiam solo animo retinetur. Atqui nunquam iure suo cessit Imperium, et missa legatione ducatum hunc nuper repetiit, atque in ipsa denuum novissima pace ab hac domini retinendi sententia non discessit. Negat quidem hoc *iustum feudi dominium* Anonymus, sed contra rerum actorumque documenta loquitur, et nugas agit. IX. Similiter Alsacia non alio, quam pactionis titulo, atque iis quidem domini finibus, quibus antehac descripta et possessa ab Austria fuerat, cessione Imperatoris ex corpore imperii decerpta regno Franciae accrevit. *Inst. Pac. Mon. §. tertio Imperator.* Nisi quod Argentoratum, et X. Alsaciae civitates ad eam cessionem non pertinent, et etiamnum regni Germaniae membra sunt, nec pace Neomagenli pristinum hunc statum commutaverunt. Illud enim per se constat, in praefectura provinciali non inesse supremum dominium, et salva harum libertate, sub auspiciis Germanicis retinenda intelligi oportere. Tanto minus iuri imperiali derogat proxima *invasio*, utpote quae non sortitur effectum acquirendi iure gentium, et convellit pacta publica, quibus Imperator et Imperii Ordines, atque una Rex Franciae mutuo sese obligarunt: ut aliter fieri non possit, quin per talem *violentiam* possidens, in mala fide constituatur, et quod consequens est, nullum sic possidenti ius *usucapione et praescriptione* acquiratur et tribuatur. X. Ali-

Alias Lotharingiae veteris partes omitto, quae non uno atque eodem tempore in regni Germaniae ditionem clientelamque venerunt. Enimvero Vbiorum et Trevirorum Antistes ad annum usque DCCCLXX. in separata regni Lothariani ditione fuerunt, atque hinc sub auspicio regnoque Ludovici Germanici, unde ultima *Capitulationis* initia repetenda sunt, cum republica Germanica coaluerunt. Speciatim affirmat Brovverus, Trevirorum Pontifices post annos centum et unde quadraginta sumto nomine Germanico, Lothariense omisisse, *annal. Trev. lib. X. p. 480.* Sed Moguntinae sedis Pontifex semper extra regni Lothariensis ditionem fuit, et statim, atque in ipsis regni Germaniae incunabulis cum nomine et iure Germanico coaluit, atque ibidem et deinceps etiam facta accessione regni Lothariani Antistitum, primas tenuit inter Principes Praefulesque universos. XI. Ex eo Lotharingiae regno ortum est *Lotbarichbium*, quod Brabantiae ducatu angustius est, et sola Herstalli ditione continetur, *apud Divacum lib. VII.* Dissentit Brovverus, et forte usu recentioris aevi nititur, quamquam ducatus Lotharingiae inferior antiquitate praestat, et potiori iure titulum hunc obtinet, adeo ut plerique et praestantes historici regionem Mosellanorum, cuius caput est Nanceium, nominent *Lotbaringiam novam. Louvrius not. ad Molan. cap. LXXI.* Et Haraeus Lotharingiam inferiorem a ducatu Mosellanico distingvit, et auctor est, Lovanium Brabantiae caput, veteris Lotharingiae insignia retinere, *L. 1. p. 166.* At postea, Lotharingiae nomen in ducatu inferiori sensim exolevit, titulus autem iure servatus, et a Brabantiae ducibus Austrii sanguinis recte adhibitus fuit. Ut non habuerit David Blondellus, cur in *praefatione apologetica* eo nomine inveheretur in Carolum V. perinde ac si inconveniens fuisset, Lotharingiam a Brabantia tituli ratione distingvi. In quo genere secutus est Imperator morem superiorum Brabantiae ducum,

cum, qui titulos Lotharingiae (inferioris) et Brabantiae solite discernunt ac retinent, quos imitari, et nihil ex instituto maiorum, et usu curiae mutandum esse bene et sapienter iudicabat. XII. Multae deinceps portiones ab hoc ducatu seiunctae, atque inprimis donatione Caesarum, et emptione Antistitum in patrimonium Ecclesiae Colonienfis ac Leodienfis redactae conflataeque sunt, ut summo nihilominus Germaniae imperio continerentur. *V. Rob. Gaguinus bist. Franc. lib. V. p. 77.* Nec meliorem fortunam expertus est ducatus Lotharingiae superioris, cum quo multis seculis vinculo clientelae imperialis coniunctus fuit ducatus Barrensis, sed postea ex Caesarum beneficio agnosci desiit, et tantum non destitutus derelictusque fuit. XIII. Longum foret sigillatim exponere omnes regni Lothariani partes, quarum omnes eae iure imperii adhuc censentur et continentur, quae neque iusto cessionis pacto, neque idoneo derelicti argumento abalienatae sunt, ut sufficienter constare possit de voluntate, et effectu dominii translati. XIV. Non vacat nunc cum Chiffletio contendere de *Lotharingia Mosellanica*, iurene virili semper censeatur, nec ne? Sunt argumenta non pauca, nec imbecilla, quae ad legem Salicam Lotharingiae oppugnandam permultum valent, quorum pleraque attulit *Gab. Barb. Gramondus bist. Gall. lib. XV.* Quae deinde refellenda sibi sumisit Chiffletius, ut probaret, Lotharingiam esse maribus propriam, in libro singulari hoc nomine tituloque inscripto, *cap. 8. Lotbar. masculin.* Sed hic ipsi non assentior, fretus rationibus et exemplis, quae Lotharingiam ad feminas devolutam fuisse ostendant. Inter alia notum et insigne est Isabellae connubium, quo ducatus Lotharingiae Mosellanae ad Renatum Andegavensem delatus est, manifesto iuris feminei argumento per sententiam supremi domini beneficiarii luculenter declarato, *quod extat apud Henricum Spondanum in continuat. annal. Barob. ad an. 1435.* Nec

minus probat Conradus Offenbachius iureconsultus in erudita epistola. quam ad Carolum Lotharingiae ducem perscripsit, et commentariis Matthaei Gribaldi IC. praemisit, *an. MDLXXVII. edit. Francofurt.* Nisi quod Idae exemplum ibi allatum non congruit probando iuri femineo ducatus Mosellani, sed omnino spectat ad Ripuariam, cuius dux fuit Godfredus Bulionius. Illud etiam a vero abest, quod eodem in loco tradit, Lotharingiam ab Imperii vinculo plane absolutam fuisse usque ad Ducem Antonium, qui primus se cum Germanis devinxisset. Quod refellere supervacuum duco quando iam publice notum, et satis confirmatum est, Duces Mosellanos semper in fide et clientela imperii fuisse. Alioqui de controversia Renati cum Antonio Comite Vallemontano vid. *Paulus Aemilius lib. X. Iac. Meyerus annal. Fl. an. MCCCCXXXII.* Haud diversa ratio est ducatus Barrensis, etsi quidam dissentiant, et feminas ab eo excludi existimant, apud Fr. Belcarium *in commentariis rerum Gallicarum lib. V. cap. 7.* Quod eo magis nunc concedendum est, postquam ducatus Barrensis ditionis Gallicae fieri coepit, nec dispar ratio futura est ducatus Lotharingiae, si aliquando Francogalliae iuste acquiri et innecti queat. XVI. Coniunctionem utriusque Lotharingiae in animo molitus est Carolus audax, prensavitque regis Burgundiae titulum, iamque habuit Fridericum III. Imperatorem valde propensum ac promptum, unde, si hoc evenisset, ad regnum Lotharingiae, instaurandum facilis expeditaque via fuisset. Quae occasio omissa est, postquam Ludovici XI. Imperatorem ab incepto dehortantis, hostiumque Caroli consilia foventis, et suspicionem metumque passim augmentis sollicitudo impendebat, quominus haec destinata perficerentur. *Pontus Heuterus rer. Burgund. lib. V. cap. 8. seqq. ex eoque Cbr. Brovderus annal. Trev. lib. XIX. Iacob Meyer annal. Fland. an. MCCCCCLXXXIII.* Non erat dubium, quin ea res periculosum ancipitemque

exitum habuisset, si Carolus nihil modicum cupiens promissum a Friderico regiae dignitatis gradum, quamvis ex beneficio Imperatoris agnoscendum, obtinuisset. Etenim ratio prudentiae non ferebat, ut eveheretur ad tantum fastigium, qui Caesari foret potentia par, et forte data occasione fieret aemulus, ac deinceps non modo Augustae domui terribilis, sed etiam facile maior evaderet, ac forsan ambitiose peteret, quod pater Philippus recusaverat Imperium, siquidem ea non moderata consilia prospero rerum successu adiuverentur. Cuius animi indicium fuit, quod se continere non potuit, quin ius creandorum Comitum sibi novo exemplo sumeret, regnandique cupiditatem publice testatam faceret, et Ioannem Croium Chimaci Comitem solenni ritu renunciaret. *Aub. Miraeus in Not. Eccl. Belg. cap. CCXXXVII.* Sed Friderici Imperatoris cunctatio, et Ludovici XI. calliditas totam hanc Carolo spem, et Campobacchii simulatio ac perfidia vitam quoque ei ademerunt. *Paulus Aemilius lib. X. Phil. Cominaeus lib. VII. Pontus Heuterius lib. V. cap. 14. Carolus a Marca in Carolo bellicoso.*

§. LXXVII. Satis pro instituti ratione explicatum vindicatumque est Germaniae ius, quatenus pertinet cum ad regnum hoc per se liberum ac nemini obnoxium, tum sigillatim ad Lotharingiam ditioni dominioque eius subiectam. Reliquum est, ut de Imperio Romanorum, quod cum regno Germaniae aeterno foedere coniunctum est, aliquid subiungam, ut veris certisque indicis intelligatur, omni eius iure excidisse Francos. Nam defuncto sine liberis Carolo crasso, atque inprimis digresso ex Italia Arnolpho, Augustum illud Imperii decus de voluntate populi Romani repetitum, et ad Italiae Principes bello pactoque delatum, ac deinceps a Carolina gente destitutum derelictumque est, ut nemo posthac esset inter Francos, qui vel in Italiam redeundi, vel iuris repetundi animum publico et evidenti signo declararet.

ret. Postea autem accidit, ut reges Italiæ valde inter se dissiderent, et crudeliter omnia facerent, et fidem pactaque violarent, atque eam ob causam Pontifex populusque Romanus defensorem et vindicem circumspicerent, Ottonemque I. ad opem sibi ferendam invitarent. Non recusavit Saxo, et movit in Italiam, et Berengarium iuniorum armis ad officium redegit, sed pacis leges non diu ab eo servatae sunt, et ad hanc perfidiam multae et graves illatae populo Romano iniuriae, praesertim superbia et saevitia accesserunt. Sic illi unum omnibus Germanis contigit, quod ante eum nemini, ut Imperium Romanorum a tyrannide defenderet, et Berengario iuniori ereptum iuste constitueret, primusque augustam hanc dignitatem Germaniae perpetuo retinendam inferret. *Frodoardus in Chron. an. 962. Regino Chron. an. eod. Liuthprandus hist. Lib. VI. cap. 6. Carolus Sigonius de regno Italiae lib. VI.*

§. LXXVIII. Hinc sequitur, ut eliciam I. Imperium Romanorum non una et eadem acquirendi ratione pervenisse ad Germanos et Francos: quandoquidem Carolus M. Francorum Rex summam Romae potestatem titulo pacti obtinuit: Otto autem, qui ceteroque Carolum M. factis et nomine acquivit, iure belli acquisivit Imperium, et perduxit ad Germanos. II. Quae Ottonis M. occupatio permultum differt a *translatione*, quippe quae spectabat ad Carolum M. et pacto fiebat, et ratione acquirendi derivata continebatur. III. Nec aeque late patet utraque acquirendi ratio, nec idem plane utriusque effectusque est, propterea quod titulus belli plenum et *patrimoniale* ius tribuit, idque consensu et usu moratorum gentium comprobatur. Quae res aliter se habet, quum agitur de iure certa pactione translato, ubi paciscens tantum acquirat, quantum et quousque is vult, qui transferendi potestatem habet. IV. Igitur *translatio* imperii Romanorum, quatenus ad Carolum M. pertinebat,

nebat, verum quidem summumque ius ex mente et voluntate paciscentium Carolo traditum designabat. Sed quamlate patuerit, et utrum id Carolus M. sibi tantum et aliquibus successoribus, an toti familiae suae acquisiverit, ex pacto *translationis* sane est decidendum. Hugo Grotius, vir in iudicandis gentium controversiis maximus, non veretur dicere, fuisse *electionem personalem in Carolum magnum, et quosdam eius successores. I. B. et P. lib. II. cap. 9. 11.* Nihil temere affirmaverim, sed nec temere negaverim auctorum eventa, quae omnino conciliari non possunt cum iure Imperii mere hereditario, quod ponitur delatum esse ad Carolum Magnum. Tum vero nullo heredum mentio fit in eo pacto, quo augusta haec dignitas ad Carolum M. transfertur. Vt alia taceam, id saltem nunc evincere cupio, quod SPQR. ita se in toto hoc negotio gessit, ut noller imperium deferri ad omnes Caroli M. successores. Id quod certe erat indicio, populum Romanum non in solidum ius Imperii alienasse, nec genti Carolinae hereditaria lege possidendum attribuisse, multo minus universae Francorum nationi perpetuo retinendum addixisse. Quorsum vero non spectat regnum Italiae, quod bello, non pacto Carolus M. acquisivit. V. Idcirco Franci Capetini, nullum ius in Imperium Rom. sumere sibi possunt ex capite Francorum Carolinae gentis, quippe quorum iam diu ante desierat esse Imperium Romanum, cum id Otto M. iusto bello occuparet. Nam sine dubitatione Reges Italici inde ab Arnolphi tempore Imperium Romanorum tenuerunt, et saltem plerique eorum legitimi Imperatores fuerunt, donec Berengarius iunior fidem et pacta convelleret, tyrannide oppressurus populum, nisi Otto M. adiutor liberatorque contigisset. Extant numi, diplomata, legumque tabulae, quae testantur et probant, Berengarium Seniore, Gvidonem, Lambertum, Ludovicum Bosonidem et electos et consecratos fuisse

Romanorum Imperatores, quos sine discrimine non licet tyrannos appellare. Sed Berengarius iunior merito his adnumeratur, qui non modo non servavit conventas leges, sed quoque admisit in clientelam, quam victus ob redditum et relictum Italiae regnum Ottoni M. professus erat, *supplementum Reginonis An. DCCCCLII. Sigebertus an. 955. 961. 963.* In hanc sententiam scribit Sigebertus: *tyranni* (Berengarius iunior, et eius filius Adelbertus) *a Papa* (Iohanne XII. urbis Antistite et primo cive) *et Romanis* (Senatu populoque Romano) *abiurantur.* Ista autem Berengarii *abiuratio* non fuit causa acqvirendi Rom. Imperii, sed consequens, ideo quod Otto Magnus iure belli summam potestatem fundavit et tenuit, ac proinde aliter fieri non potuit, quin populus Berengarium *abiuraret*, cum sane duos Imperatores habere non posset. VII. Amplius apparet, sub hoc tempus nullas eligendi partes habuisse populum, ut qui nihil in Ottonem M. conferre posset, quod non iam tum possideret, quippe quem sciret, belli victoriaeque titulo subnixum, iure suo imperare, et quod ratio acqvirendi *originaria* exigit, nulla electione, aut pacto ad ius Imperii consequendum indigere, IIX. Proinde tunc non idem, qui antea, fuit Romani populi status, quoniam ius eligendi, quod superiori tempore habuit, quodque post mortem Caroli M. et quorundam eius successorum reipsa exercuit, hac Ottonis M. occupatione est extinctum. IX. Non modo igitur Otto M. non successit in Imperio ratione Francorum, sed ne successit quidem Francis, quorum ius de sententia populi Romani antiquatum, et nova *electione* ad Principes Langobardici sanguinis vere ac solenniter delatum fuit, X. Illud vero non necessitatis, sed cautionis fuit, quod Otto M. iure belli firmatus et fultus, cum SPQR. pactionem faciendam esse duxit, quae quidem non spectabat ad causam possidendi, sed ad securitatem retinendi Imperii, dum Romani ultro fatebantur, Ot-

tonem Magnum, iure armis quaesito uti, et ex eo capite, etiam iuste sibi imperare. Quibus rebus agnoverunt testatiquae sunt, se pacto suo non dare ei summam potestatem, quippe quam iusto bello acquisitam plene tenebar, sed solum declarare suam iure belli introductam parendi obligationem. XI. Ceterum pacti cum Ottone M. initi, vis praecipue in eo sita erat, ut praeter verum validumque belli ius, voluntaria quoque populi Romani cessione omnis in universum potestas repetendi ac revocandi Imperii prorsus in posterum extingveretur, Imperiumque Romanorum aeterno foedere cum regno Germaniae coniungeretur, adeo ut Germani deinceps eadem *electione* Reges sibi, et Imperatores Romanis summa, et in perpetuum mansura potestate, statuerent et crearent. Vbi distingvendi sunt anni occupationis Imperii, et pacti de Imperio, quorum illa anno DCCCCCLXII. contigit, hoc anno DCCCCCLXIV. insignitur. Quod observari par est, et facit, ut clarus intelligatur Liuthprandus, qui sexti libri sexto capite notat priorem annum verbis, *debuit Romam*: posteriorem designat sequentibus. *Iuxta urbem Imperator castra metatus est. Roma Papa simul atque Adelbertus aufugiunt. Cives vero sanctum Imperatorem cum suis omnibus in urbem suscipiunt, fidelitatemque promittunt: haec advenientes, et firmiter iurantes, nunquam se Papam electuros, aut ordinaturos praeter consensum atque electionem domini Imperatoris.* Quod expressum publicumque pactum iustitiam Ottoniani belli, et potestatem victoris indicat, populi quoque assensu declarat, qui non verosimiliter, sed certo supremum Ottonis M. dominium agnoscebat, et fidem atque conscientiam *subiectionis* iureiurando quoque solenni profitebatur et confirmabat. XII. Ad hos belli et pacti titulos accessit *praescriptio*, eaque non longissimi temporis saltem, aut *centenaria* forsan, aut illa demum, cuius temporis memoria non extat, sed quae cum diu-

diuturnitate longe maior, tum effectu certe valentior est, propterea quod septem integra *continuatque* secula excedit. Enimvero hoc tam diuturnae possessionis *praescriptio- nisque* praesidium valet firmumque est inter quaslibet cultiores gentes, ut servetur earum tranquillitas, et litium bellorumque finis sit, parcaturque sanguini hominum, ipsorumque inter ipsos societas ne dissolvatur. Contra quod commune ius gentium nulli populo, quantumvis florentissimo, datum relictumve est privilegium, quod ab eius obligatione se eximat, aut quoquomodo immunem reddat. Eo minus quidam novi scriptores habent, cur hoc in dubium vocare possint, ne vel sic aliis populis, qui ante eos Galliam tenuerunt, recuperandae Galliae ius concedere videantur. Aut enim non convellenda est *praescriptio*, aut Romani, Vandali, Alani, Burgundiones et Gothi, eorumque successores et posterii audebunt venire repetitum, quod ante Francos habuerunt. XIII. Veruntamen superiori Romanorum pacto non est comprehensum Italiae regnum, quod dudum Romanae ditionis esse desierat, nec minus a Francis deperditum derelictumque fuerat, et diversam a Romanorum Imperio republicanam constituebat. Hinc ratione eius nihil egit promissive Ottoni Romanus populus, et ipse etiam victor in *acquisitione originaria*, iure gentium, tutus acquievit, nec *declarationem subiectionis*, nedum pactum aliquod voluit aut flagitavit. Omnino autem haec Ottonis Augusti mens fuit, ut nunquam deinde istud Italiae Langobardicae regnum, ab Imperium Romanorum seiungeretur, multo minus ad alios, quam ad Germanos transferretur. Docet hoc continuata Caesarum nationis Germanicae possessio, qua summum huius regni dominium semper et eodem iuris tenore servarunt, nec unquam separarunt, nedum alienarunt, et ratione primi acqvirentis Ottonis M. ad se delatum vere et constanter usque ad hoc tempus retinuerunt. Quorsum
vid.

vid. *Herm. Conringius in erudito libro de Germanorum Imperio Romano.* XIV. Proinde in eo regno nihil iuris habuit Henricus Auceps, utpote qui regno Germaniae contentus non venit, nec movit in Italiani, nec regnum Italiae armis aut pactione quadam capessivit ac tenuit, neque consilium adeundi Romam nisi sub ultimum vitae tempus suscepit, neque sic vero illud morte ereptus perfecit, ut auctor est *VVitecb. Corb. Annal. l. et ex eo Abbas Vrspergensis.* Nam unctio et diadema, quae ei ab summo Pontifice Herigero offerebantur, spectabant ad consecrationem titulo regni Germaniae peragendam, *apud VVitecbindum lib. eodem, atque ex hoc Abb. Stadens. an. DCCCCXX.* Etenim Herigerus erat summus Pontifex Germaniae, et nihil offerebat praeter solemniam Regni Germaniae, in quo primarii praefulis dignitateungebatur. Quo tempore cum dignitate Archiepiscoporum Mediolanensi Ecclesiae praefuerunt Garimbertus, Lambertus, qui Rodolphum Italiae Regem Ticini inauguravit, et Hilduinus, a quo consecratus est Mediolani Hugo, qui contra Rodolphum Burgundionem et accitus, et Rex Italiae declaratus, cum Henrico Aucepe Germaniae Rege amicitiam iunxit, id quod liquet ex *Conrado Vrspergensi, Carolo Sigonio, et Carolo Borromaeo.* Illorum aequalis Ioannes Ravennas tunc Romae Pontificatum gessit, ac senioreni Berengarium Caesareo insigni ornavit et consecravat. Post huius Pontificis decessum a Leone VI. et Stephano VIII. ac Ioanne XI. et Leone VII. tum Stephano VIII. nec non Martino II. atque Agapeto II. omissa est Caesarea consecratio usque ad Ioannem XII. eo quod Regum Italiae mores Pontifici et populo Romano non placerent, et inter eos praecipue Berengarius iunior, filiusque Adelbertus ad tyrannidem niterentur, perque Italiae regnum velut gradum ad exitium Ro. urbis graffarentur. Quamobrem Ioannes XII. de sententia SPQR, unxit et inauguravit Ottonem Magnum, ut constat ex *Liut-*

prando, et Monacho Herveldensi in chron. an. 962. Blondus Flavius dec. II. lib. 3. ubi et recenset opinionem diffensumque Gratiani errore decepti. Antè cum nemo fuit omni memoria inter Germanorum Reges, Arnolphum secutos, qui ius titulumque possideret Regis Italiae, vel Imperatoris Romanorum. Quod indicio est, mendosum esse initium diplomatis, quod reperitur apud *Aub. Miracum capite XXX. Codicis donationum piarum. Henricus divina favente clementia Romanorum Imperator.* Si, ut manifestum est, rerum, personarum, temporumque rationes congruunt, legendum est, *Henricus divina favente clementia Rex.* Cuiusmodi numos vidi veteres et veros in vicina Marchia apud *Brennaburgum* erutos, qui solum Regis titulum habent. Idcirco iam satis, me non monente, intelligitur, Henricum, et *praecessores* ipsius Conradum I. et Ludovicum IV. perperam dici Caesares, et Imperatores Romanorum; quod tamen non solícite distinguunt plerique hodierni, nec ab his studiis alieni scriptores, *Jo. Palatius, Jo. Wolff. Textor, Samuel Racheus, et per plures.* Nam quod a VVitichindo *Imperator* nominatus est, id non pertinet ad Augustam, Romanorum dignitatem, sed ad summum rei militaris elogium, designatque fortitudinem pariter et felicitatem Regis, belli gloria et rerum gestarum amplitudine in Europa tunc facile eminentioris. Hinc tradit VVitichindus: *Pater patriae, rerum dominus, Imperatorque ab exercitu appellatus, famam potentiae virtutisque cunctis gentibus et regibus longe lateque diffudit, Annal. I.* Nihil hic egit et dedit SPQR. nihilque pacto aut transactione attribuit et cessit, sed exercitus duntaxat Germanicus his verbis Regi suo solenniter acclamavit, et plausum gratulationemque ob tot et tanta bella feliciter confecta lactus libensque significavit. Nullum autem ius, ne in Germaniam quidem dare potuit, quippe quod non de voluntate exercitus, sed ex *electione* procerum populi que Germaniae iam ante hanc acclama-

ma-

mationem Henricus Rex obtinebat. Neque melius de *coronatione Caesarea* iudicat *Io. Bernb. Mulzius*, quum tradit, Imperatores electos noluisse per hunc ritum discerni a *coronatis*, eo quod Carolus V. etiam post *coronationem* voluisset dici electus Imperator. Voluit, fateor, et prudens sciensque distinxit *Coronam* Germanicam a *Corona* Romana, quarum illa quidem A. MDXX. Aquisgrani, hac A. MDXXX. Bononiae insignitus inauguratusque est, ut constat *ex actis coronationum publice editis et Fr. Guicciard. bist. lib. XIII. Paul. Iovio, lib. XXVII. Io. Sleidan. com. de statu relig. lib. I. et VII. Conf. Catell. Cotta Ictus Mediolan. in memorial. not. Imperator.* Quas diuersas coronationes non apte discernit Mulzius, rationesque et causas discriminis non assequitur. Fert hic occasio, ut aliquid addam de *corona* Langobardica, quam dicto loco ferream nominat Iovius. Consentunt *Io. Cuspinianus, Carolus Sigonius de regn. Ital. lib. VII. Barbolomaeus Scala, quem supra laudavi, bist. Florent. lib. II. p. 58. Auctor glossae ad Henricum Rebdorff. an. MCCCXLVIII. Erycius Puteanus bist. Insubr. lib. II. cap. 7. et lib. VI. cap. 11. Ante hos Petrus de Andlo de Imperio Romano lib. II. cap. 6. Ibidem Not. Marq. Freber. p. 165. 166.* At penitus inspicienti huius *coronae* materiam non potest esse dubium, quin ea iuxta cum ceteris coronis aurea dicatur. Nisi quod non licet inficiari, *circulo ferreo interiore fuisse intextam*, quod narrat et fatetur ipsemet Sigonius *de regn. Ital. lib. I. an. 591.* Ex quo repetit *Io. Limnaeus in Addis. ad I. P. lib. II. cap. 4. num. 51.* Vnde sumta est occasio populariter appellandi *coronam ferream*, quae revera ex auro confecta est, et iure igitur aurea appellatur. Non dissentit *Rud. Gotb. Knichenius in notis ad Er. Puteanum. lib. II. cap. 7. et alibi.* Veterem et diuersam sententiam sequitur *Cl. Augustus Buchnerus ep. CXI. part. I. XV.* Illud quoque non omittendum est, quod sanctiones Imperatoriae, in quantum hoc nomine per se veniunt, non pertineant ad

Germaniam, quippe quae nec Imperio Romano subiecta, neque pars accessiove eius facta est; neque unquam leges Romanorum cum obligatione parendi, sive expresse, sive tacite declarata accepit, sed earum duntaxat usum salva libertate sua admisit, et aliquot abhinc seculis in curias forumque introduxit. Imperatorum ergo veterum Constantini, Theodosii, Iustiniani, et aliorum *Constitutiones* non modo porrectae sunt in Germaniam, sed ne semper quidem in Italia universa obtinuerunt, aut precario saltem in aliqua eius parte relictæ fuerunt. Id quod Papientibus usu venit, postquam Langobardi Italiam infederunt, *Bernardus Saccus Ticin. bist. lib. VIII. cap. 12.* XVI. Amplius notum atque perspicuum est, regnum Germaniae non esse surrogatum Imperio Romanorum: multo minus cum eo commutatum confusumque esse, sed per se consistere, suisque finibus contineri, nec nisi perpetuo foedere cum illo coniungi atque confociari. Neutrum ceteroqui alterius pars est, neutrumque alteri imperat aut parer, sed utrumque diversa ratione regitur, et diverso quoque titulo possidetur. Non dignas refutatione nugae praetereo, quae sive antiquitatis ignorantiam, sive ingenii vanitatem ac ambitionem produnt, et plerosque sic transversos agunt, ut nec reverenter et contumeliose de summo Imperatoris Ro. iure loquantur. In quo genere nihil non sibi indulsit *David Blondellus*, nec argumentis, sed captionibus rem tanti momenti conficere voluit, neque eo melius causae huius praesidium constituit *Dissertator Anonymus*, in quibus refellendis dudum homines docti diligenter elaborarunt, operamque nostram occuparunt. Tanto minus attinet referri *Aubriana axiomata*, plena ineptiarum, quae si falsa esse conarer ostendere, exhiberem sane auctorem omnis iudicii expertem. Proinde est manetque adhuc Imperium Romanum, et quidem est manetque in perpetuum apud Germanos, et nomine, titulo ac dignitate inter omnia Imperia

et regna eminet, atque in iis rebus actibusque etiamnum cernitur, quibus omnino summa et augusta potestas continetur, et aeterno foedere cum regno Germaniae continuatur. Quamobrem *donationes* Imperatorum semper cum exceptione supremi domini factae sunt, quarum interpretatio liquet ex Francorum Germanorumque diplomatis, quibus addita est expressa clausula, qua reservatur et retinetur supremum ius Caesareum, id quod *Conringius* et *Boeclerus* nuper erudite vindicarunt. Pontificem urbis Episcopum multa sane constituunt in mala fide, et quominus usucapere possit, praeter alia impediunt quoque Caesarearum confirmationum tabulae, quae etiamnum ab electo Imperatore non frustra, et evidenti *agnitae subiectionis* documento petuntur. Nec officit sola diuturna possessio, neque obtendi potest *praescriptio*, quam Caesares tamdiu interrumpunt, quamdiu Romanorum Imperatores vero, nec imaginario iure se appellant, dominosque urbis, et Pontificis *patrimonii*que *Ecclesiastici* haud dubio summae potestatis indicio se demonstrant. Id quod Iplimet Romani Pontifices agnoscunt ac reputant, et tam insignem augustumque titulum Regibus Germaniae servant, atque Imperatores Romanos vere et merito appellant. Neque huic iuri fraudi esse possunt, quae *Annotator Beckerianus* pro asserenda Pontificis causa adversus Conringium attulit, quando omne praesidium in praescriptione collocavit, *Henniges ad lib. 1. cap. 2. Synops. iur. publ. Wilb. Beckeri*. XVII. Pariter Romanus Imperator habet in regno Italiae obnoxios sibi lege beneficiaria Principes, ac de iis suo et supremo iure disponit, et de perfidia in se admissa cognoscit, et causa cognita vindicat mulctatque. *Ioach. Hagemeyer I. P. E. ep. sexta*. Quorsum spectabat expeditio Ferdinandi II. auspiciis suscepta, ut Carolus Gonzaga Niverni dux supremum Caesaris dominium agnosceret, et Mantuae Ducatum, ac Montisferrati Marchionatum iure fiduciario

ab eo acciperet, et deinceps, parte eius duntaxat Sabaudocessa, retineret. *Paulus Piafecius, et Ad. Brachelius an. MDCXXIX. et MDCXXX. ibidem Tb. Carvæus, Ed. Wassenbergius in bello Italico.* Neque hic, belli in Vasallum moti Imperatori color erat, ut refert in libro hist. dccimo octavo Gramondus, sed in eo ius supremi domini versabatur. Nostra memoria Ferdinandus III. ex capite supremi ac directi huius domini in causa Ducis Mutinae et Regii iudicem se tulit, et obnitentem severe commonuit, poenamque proscriptionis imperialis minatus est, nisi desineret laceessere ducatum Mediolanensem, tanquam beneficiarium Imperii membrum. Formulae mandatorum avocantium passim vulgatae sunt, et extant quoque in scripto de iustitia armorum Imperatoriorum. Neque id non indicat *Arabicancellarius* per Italiam, qui supremum Italiae dominium arguit, et clientelas ab Imperio dependentes respicit ac designat. *Mulzius de lib. omnimod. cap. VIII.* Quamquam nunc in effectu solus Moguntinus eo munere perfungitur, et aulae Imperialis curiae praeest, et acta decretave publica, et beneficiarias concessiones, quatenus ad Imperii ditionem pertinent, expedit ac subsignat, unde et in perquirendis feudorum Italiae alienationibus praecipua ratio est *Cancellariae Moguntinae, Capitul. Leopold. art. 12.* Quin et *Vicariatus* Italiae refert Imperatorem, denotatque dignitatem ab eo tanquam Rege Italico concessam, quam Dux Sabaudiae ab excessu Ferdinandi III. sibi restitutam, in suis atque Italiae terris insigni cum praerogativa habet et administrat. *noviss. Capitulat. art. 4.* Etenim ille Dux saltem nomine ducatus Sabaudiae, itemque Pedemontii et ratione eorum, quae ex regno Arelateni possidet, est Princeps regni Germanici beneficiarius, Germaniaeque iudiciis obnoxius, et Caesarem quatenus Italiae Longobardicae Regem, dominum iudicemque non agnoscit. Sed propter Rocheveranum, Olnum et Caesof-

folam obtinuit *superioritatem*, quam, non improbante *Io. Limnaeo*, de supremo dominio communiter exponunt, et inter hos sunt *Andr. Oldenburger*, in *Limnaeo enucleato*, lib. III. cap. XXII. num. 2. *Iac. Bern. Mulzius*, et plures. E diverso alii interpretantur, non quod tres praedicti tractus ab Imperii suprema iurisdictione in univsum exempti, et nulla prorsus ratione eidem devincti sint, sed quod nulla ratione nexus beneficiarii proxima, quae tunc quidem in controversiam veniebat, ab Imperio dependeant et suscipiantur, atque adeo salvo Imperii supremo inre intelligantur. Post multos et graves scriptores, inter quos est *Hermannus Conringius*, hanc sententiam probant *Io. Vol. Bechmannus*, et *Gab. Schvvederus iureconsulti*. Vt cumque sit, Sabaudus est Imperii Princeps, et per Italiani Vicarius, et argumento huius muneris habet agnoscitque superiorem, cuius vices gerit. Subscribit *Anonymus* apud *Gramondum*, et recte iudicat de hoc Duce, nominatque Imperii (per Italiani) *Vicarium*, et affirmat, *Pedemontium Imperio subiacere*, *bist. lib. I.* Imprudenter, et sine discrimine loquuntur et censent, qui Ducem hunc eo loco et numero, quo ceteros Italiae Principes, habent, regionesque ipsius non discernunt, propter quas ad Germaniam spectat. Nam insignes eae portiones, quas ille Dux ex regno Burgundico residuas habet, non sunt membra regni Italiae, sed corpori Germanico accreverunt, necdum ab eo seiunguntur. Vnde oritur ius veniendi ad Comitia Germanica, quod non obtinet, in quantum est regni Italiae membrum, sed in quantum habet clientelas et partes Germanici regni. Simul ex hac ratione ad eum attinent sententiae Tribunalis Spirensis, et mandata publica decernuntur. *Banni* in Sabaudum promulgati exemplum est apud *Adrianum Gylmannum*, magnae auctoritatis iureconsultum, et in *suprema Spirensi Curia Assessorem*, in praedictis *Cameralibus* p. 56. De *Pedemontio* dubitat. *Io. Theod. Sprengerus Instit. iur. publ. lib. III. cap. 23.* Multi exemptum putant, titulum.

lunqve occupationis adferunt, et supremum eius dominium Duci Sabaudiae adscribunt, *apud Chr Funccium, Orb. Imp. part. III. cap. 2.* At Pedemontium quoque inter regni Burgundiae reliquias superest, et ratione huius principatus Dux Sabaudiae sortitur in Germania forum, et veniendi ius habet ad Comitia nostratis Reipublicae, et Princeps Imperii salutatur. Hinc lucem accipit *Iacobus Blumius in proc. Cameralit XXVII. num. 23.* Ante quem diu *Oët. Cacheranus* scripsit agnovitque Pedemontium Imperio subiectum. *Martinus Zeillerus* non distingvit, neque explicat causas modosque diversos, quibus hae et aliae Ducis Sabaudi regiones continentur, in *Itinerar. Italiae cap. 1. et 2.* Imprudenter, ut satis apparet. Imperite autem *scriptor Anonymus* apud Gramondum pronunciat, solum hunc Ducem Imperio teneri, ceteros Italiae Principes esse sui iuris. Illud certe hic extra disceptationem est, quod Principes regni Italiae non experiantur iure in supremo Germaniae tribunali, nec ibi fortiantur forum, neque conveniri possint in iudicio *Austregarum*, in quo tamen ius redditur *Electoris* et aliis Principibus Germanici regni. Et si non defuerunt haecenus, qui svaderent, ut Imperio Germanico se innecti paterentur. Sed illi non recogitant ultima initia, nec ponderant recte respublicas foedere coniunctas, et optant, quod Italiae Principes non volent. De cetero quoque *Vicariatus* Imperii per Italiam diversus est ab eo *Vicariatu*, qui pertinet sigillatim ad Sabaudiam, tanquam portionem regni Burgundici, et distingvitur etiam ab utroque *Vicariatu* Imperii per Germaniam, cui alioquin illa portio est innexa. Ac priorem, eumque latius patentem Italiae *Vicariatu* intelligere et aestimare licet ex concessionum Caesarearum tabulis, quae terras Italiae et partes designant, in quibus ille valet, locumque habet. Etenim non est generalis per universam Italiam, quod *investiturae* diplomata commonstrant, et sine dubio non porrigitur

gitur ad urbem Romanam, et ditionem Ecclesiasticam, ubi Pontifex Ro. Vicarii partes agit, et vel sic quoque fatetur et habet supremum dominium, cuius vices gerit. Sed illum Italiae *Vicariatum* Dux Mantuae sibi vindicat, ac nomen titulumque saltem *Vicarii perpetui S. R. Imperii* retinet usurpatque. *Auctor dialog. bistor. part. II. p. 258.* In quam disceptationem non vocatur *Vicarius* Sabaudiae specialis, atque hanc ob causam de eo nihil actum dispositumque est in *Capit. Leopold.* §. 4. Ne attingam nunc *Vicarios* veteres, Caesarum arbitrio passim institutos, quorum mentio est in epistolis *Petri de Vineis*, qui Friderici II. Imp. consilia moderatus est, et Tusciae, ducatus Spoletani, et Romangiae *Vicarios* commemoravit, *lib. II. epist. 10. lib. V. ep. 46. et lib. eodem ep. 126. 127.* Spectatque huc diploma Rudolphi I. Habsburgii, quo Henricum Furstenbergii Comitem vice sua constituit Rectorem Romaniolae et Maritimae, atque vel hoc indicio Romanas Italicasque regiones non habuit pro derelictis, multo minus expresse abalienavit. Exemplum diplomatis extat apud *Lambeckium bibl. Vindobon. libri III. additamento octavo.* Nihil addo de regni Arelatenfis *Vicario*, cuius meminit *Petrus de Vineis lib. III. ep. 75.* Nisi quod inde relictum est quoddam vestigium vicariae dignitatis, quae complectitur Sabaudiam, quatenus antiquum regni Burgundici membrum. Alieni ab instituto praesenti sunt Vicarii in veteri Romanorum Imperio, *vid. Notitia Imperii Orientis cap. 122. et Notitia Occidentis cap. 48. et 57. Cassiodorus var. lib. V. cap. 15.* Quorsum pertinet *lex C. de officio Vicarii.* XVIII. Reliqui Italiae Principes vel concessu, vel consensu Caesarum ducatus ditionesque habent. Plerique horum profiterentur se Clientes Caesarum, atque ab his ducatus et regiones suas lege beneficiaria capiunt et tenent. Ac quidem de *Lombardia* tradit *Petrus de Vineis, Provinciam utique nobilem, et partem Romani Imperii esse pretiosam, in prima epistola libri*

quinti. Neque eo secius Lombardiae ducatus supremo Caesarum iure reguntur, eorumque beneficio accipiuntur et possidentur. Inter quos citra controversiam est Ducatus Insu-
bricus, sive Mediolanensis, qui a Venceslao Romanorum Re-
ge institutus, et Ioanni Galeacio clientelari lege attributus est,
quem Ludovicus Sfortia ad Imperium pertinere dixit, et Caesari Maximiliano I. acceptum ferre voluit, atque ex eo capite
Carolus V. eum sibi asseruit et gravi de causa tabulas beneficia-
rias Francisco Sfortiae dare distulit, et postea reconciliato Me-
diolanum restituit, ac rite addixit. Quo deinde mortuo,
Caesar ducatum ad Imperii iura devolutum, titulo supremi
domini vindicavit, etsi illum ex diversa causa ad se spectare
contendit Franciscus I. Franciae Rex, qui apud Ticinum vi-
ctus, iuri suo in eum renunciavit. *Franciscus Gvicciardinus*
hist. lib. I. XII. et XVI. Antonius Maria Gratianus in Ludovico
Sfortia. Paulus Iovius lib. VII. in vita Ferdinandi Davali. Mar-
tinus Bellaius commentar. lib. III. et IV. Iac. Aug. Tbuanus hist.
lib. I. Apud quem lib. LXXXI. Noallius studio partium differit
pro Francisco I. Ab hoc tempore is ducatus Caesarum bene-
ficio Regibus Hispaniae concessus collatusque est, quem iuxta
cum *Marchionatu Finalis* et ditione *Senensi* patrum memoria
Philippus IV. in fide et clientela Imperii tenendum tuendum-
que a Ferdinando III. Caesare suscepit. *P. Piasecius in Chron.*
ad an. 1622. Pertinentque eo mandata publica de securitate
Italiae promulgata, in quibus Ferdinandus pacificus ducatum
Mediolanensem appellavit *nobile suum, et sac. Imperii feudum,*
atque ex hac causa praecepit Francisco Mutinae Duci, ut
quampriimum cohortes militares de Mediolanensi ducatu de-
duceret, armaque poneret, et nil hostile moliretur, *in scripto,*
cui titulus est, instituta armorum Imperatoriorum. Nec perire,
et incaute *Georgius Hornius* Mediolanum inter titulares Hispani
ducatus refert, *in orb. pol. part. II.* Quem fugere non de-
buit,

buit, Mediolanensem principatum Caesarum semper fuisse *beneficiarium*, et ita iurasse Carolum Quintum, *ut se de iure suo nihil decessurum testaretur*. P. Iovius *bisf. lib. XXVII*. Tum vero huius ducatus antiquae, Caesarumque beneficio attributae partes fuere *Parmae et Placentiae urbes*, id quod apud Iovium legitur ibidem. Neque aliter visum est Senatoribus et iureconsultis Mediolanenlibus, qui documenta superiorum temporum, et fines Mediolanensis ducatus accurate perquisiverunt, et re diligenter perspecta cognitaque pronunciarunt, eas urbes omnino iure beneficiario pertinere ad Carolum V. Quod dissimulare non potuit *Sfortia Pallavicinus*, quamlibet sedi Romanae devinctus conductusque scriptor, *in historia concilii Tridentini lib. XI. cap. 10. et 11* Narrat quidem purpuratus, eam sententiam a iureconsultis Romanis fuisse oppugnata, sed id causae Caesaris non officiebat, quando probatum explicatumque dederat, superiores Mediolani duces diuturna et multis rationibus roborata harum urbium possessione nixos, satis sibi constitisse, nec iure suo unquam cessisse. Proinde Caesar Carolus V. nulla arte, nullaque persvasione adduci potuit, ut Paulo III. annuere, filiumque eius nothum ritu beneficiario in possessionem Parmae et Placentiae mitteret, et utriusque ratione ducem agnosceret et confirmaret. Nam Caesar his postulatis non dedit locum, et voluit testatusque est, salvas manere suas Imperio rationes, et hoc dissensu ac publica contradictione asseruit corroboravitque sus, quod cum Imperatoris, tum Ducis Mediolanensis titulo habebat. *Tbuanus bisf. lib. IV, VII. et XVII. H. Spondanus contin. Baron. an. 1547. num. VI*. Illud vero haud dubiis argumentis comperit, Pontificem Romanum ea in re causaque non potuisse haberi pro supremo Principe, quemadmodum existimat *Pallavicinus*, ideo quod Parma et Placentia numerantur in Aemiliae urbibus, partesque sunt Langobardiae Cispadanae, et ad

Caesarem, ut supremum Italiae dominum spectant, atque ab Hispanis, quia Mediolani ducibus, asseruntur antiquae ducatus illius portiones, sine dubio repetendae, si contingat extingui universam Farnesiorum gentem, Tum vero Pontifex ratione Romae et ditionis Ecclesiasticae Imperatori Romanorum obnoxius subiectusque est, atque ob hanc causam non debet appellari supremus Princeps, et quod hinc sequitur, non potest esse supremus iudex et arbiter, praesertim in controversia iuris beneficiarii, quae ad Imperatorem Romanum, tanquam supremum dominum pertinebat. XIX. Magnum Florentiae ducatum praeterire constitueram, nisi iam mihi in mentem veniret Tusciae, quam *nobile Imperii membrum* dixit Petrus de Vincis in *quinti libri epistola CXXVI*. At non est dubium, quin Thusciae ambitu Etruria contineatur, et vetus Imperii portio sit, et inprimis Florentia eo loco numeroque habeatur. Quod probare supervacuum existimo, siquidem respicio acta detrectaque Caroli V. quae ad Alexandrum et Cosmum Duces pertinent, et Caesari atque Imperio ius supremum reservant. Neque omittendum est Maximiliani II. negotium, quatenus ad titulū maghi Ducis Cosmo attributi confirmationem spectat, quippe quod cum evidenti clausula et exceptione iuris Caesaris coniunctum est, et posteritati testatum facit, principatum Florentiae obnoxium devinctumque esse Imperio, et agnoscere Imperatoris auctoritatem, *apud Tac. Aug. Thuanum lib. IV. IIX. XVII. XLVI. Pariter hoc attigit Natalis Comes hist. lib. XXVI. Florentiae ceteroquin descriptio ex Fr. Guicciardini codice derivata est, hist. lib. XIX. Cuius fortunam statusque mutationem tradit lib. XX. et sane indicat, omnia quae ibi gesta sunt, Caesaris praecipue auctoritate subnixae fuisse.* Iulianus Gosellinus scribit, Carolum V. Florentiae castellum vendidisse Cosmo, *in vita Ferdinandi Gonzagae p. 16.* Sed nunc quaestio est de supremo dominio

minio Urbis principatusque Florentiae, quod minime a Carolo V. abalienatum et venditum, sed integro iure Caesareo concessum Cosmo et traditum, ac deinceps quoque conservatum roboratumque fuit. Proinde Maximilianus II. Caesar dato eam ad rem diplomate ratum habuit magni Ducis titulum, Francisco attributum, sed ea lege, ut confirmatio ad eum, tanquam ad Imperii beneficiarium attineret, nec alio modo facta concessave intelligeretur, ut cum aperte, tum ingenue, refert *Tbuanus lib. LX.* Perperam G. Hornius ratione dominii Florentini *absolutum* et nulli subiectum dominum nominat, *Orb. pol. part. 2.* Nihilo rectius de urbe ac ditione Pisana id affirmat, cum quo consentit *Io. Tb. Sprenger Font. I. P. p. 253.* Sed ea quoque vera et vetus Imperii portio est, et Caesarum potestati imperioque tandiu obnoxia manet, quoad nulla *exemptio* ostendi potest ex concessionum tabulis, quibus non modo supremum ius non alienatum, sed etiam, sine veteris et novi dominii Florentini discrimine, verbis clausulisque significantibus a Maximiliano II. est reservatum. Ditio *Senarum* clientelari iure devincta est Hispaniae regi, quatenus Principi beneficiario in regno Italiae, ob ducatum Mediolanensem, atque hoc interiecto, ad Imperium spectat, Caesarumque concessu tribuitur et possidetur, literisque fiduciariis etiamnum comprobatur. Pari iure tenetur Iera Insula, quae *Elba* populari lingua dicitur, Hispanisque eodem clientelae vinculo accepta fertur. Reliqua Mediceorum *territoria* vel proxime, vel remote, et interveniente alio, ad Imperium pertinent, et clientelam profitentur, de quibus videantur scriptores passim, et *feudorum Italiae Index.* De *Montisferratensi* ducatu addendum est, eius causam negotiumque in novissima pace Neomageni fuisse confirmatum. §. XXXI. In quantum respicit *Instrum. pacis. Monast.* §. *Item ne Controversiae.* Nec modo certe,

et ibi designatae, sed omnes etiam reliquae et illic non expressae istius ducatus partes atque accessiones, excepto duntaxat Pignarolo, ditionis imperialis sunt, et inconsulto supremo Domino alienari, aut interverti non possunt. Quare pacta super iis facta non intelliguntur esse valida, neque fraudi esse queunt Imperio, nec prius firma sunt, vimque iuris habent, quam a Caesare approbentur, rataque habeantur. Quae res maxime ad Casalini castrum ducatus huius insigne munitumque spectat, in quo et ius Imperii, et Caesaris auctoritas, et ipsa totius Italiae vertitur salus. Quorsum pertinet ratio Legati Hispanici apud *Vitt. Siri Mercur lib. II. p. 304.* XX. Tum extra controversiam in Italia Langobardorum Imperii beneficio recipiuntur et agnoscuntur *Mirandula, Plombinum, Bozzolo, Gvaſtalda, Sabionetta, Mafsa, Maleſpina, Torreglia, Caſtiglione, Novellara*, quae possident Principes minores, comitesque et Marchiones. In quorum controversiis ad *regalia* pertinentibus supremus iudex est Caesar, et de successione dubia pronunciat ac decedit. Quorsum spectat *adiudicatio* Caroli V. in causa Montisferratenſi, constatque sequentium Augustorum exemplis, et iure Caesareo peragitur ac declaratur. Nec solum Italiae principatus, sed etiam Italiae *vicariatus*, et annexae dignitates, negotiaque *regalibus* coniuncta Caesarum supremam iurisdictione continentur. Ducatus Ferrariae et Urbini quidem Romanae sedi innexi sunt, neque tamen ideo supremam Caesaris auctoritatem non agnoscunt. Nam ut de controversa Mathildis donatione, et acqvirendi modo, cui publice et merito contradicendum est, nihil afferam, sane *directum* utriusque ducatus dominium, Romana sedes asseruit, posteaque *consolidavit*, non desit ideo Caesaribus esse obnoxium propter supremum eorum dominium, quod Pontifices non modo comiter habere, sed etiam lege *subiectionis* agno-

agnoscere tenentur. Ducatum Ferrariæ repetiit coniunxitque Clemens IIX. Pontifex, eo quod Cæsar Atestinus Alfonso II. filius non legitimus esset, atque adeo non capax successione iudicaretur, *apud Thuanum bist. CXIX. Unde error temporum ab Hagemeiero admissus corrigi potest, in ep. VI. p. 3.* Sed Rudolphus II. Imp. ei natalium gratiam fecit, et Regium Lepidi Mutinamque in regno Italiæ lege beneficiaria possidenda attribuit, *Piascius Chron. an. 1598.* Nec vero propterea Rudolphus, quia Romanorum Imperator, derogavit supremo iuri suo in Exarchatum Ravennatem, cuius membrum est Ferrara, quam Iulius II. sibi ac sedi Romanæ subiecit, *Fr. Guicciard. bist. lib. XVI.* Quod ius a me non impugnatur, dummodo salvo Cæsaris supremo dominio, prout par est, intelligatur. Similem in modum Urbini ducatus ab excessu Francisci Mariæ ad sedem Romanam ex capite caduci est devolutus *H. Spondanus cont. Baron. an. MDCXXVI. P. Piascius chron. an. 1630.* sed contradixit Ferdinandus II. magnus Florentiæ Dux, et præter ius ex concessione beneficiaria Leonis X. quæsitum collatumque in Laurentium Medicum, connubii quoque necessitudinem cum ultimi ducis nepte contractam exaggeravit, dominiumque utile huius ducatus sibi destinavit. Neque tamen hoc *directo*, et deinceps *consolidato* sedis Romanæ dominio supremum ius aliunde pendens convellitur, sed titulo et auctoritate Imperii Cæsarei retinetur, et concessionum augustarum tabulis renovatur, et non extinctum semper continuatur. XXI. Ad ultimum de plerisque Italiæ urbibus ditioni Imperiali obnoxii extat *Notitia status Etruriæ*, regnante Carolo Lutzelburgico confecta, quam ex *bibliotheca Vindobonensi* sedidit Petrus Lambeckius *lib. II. cap. 8.* Tum vero omnia, quæ Veneti in continenti Italiæ possident, Cæsarium beneficio antiquitus suscepta et collata sunt, atque etiamnum hoc iure agnosci de-

debent. Eo respexit Michael Coccinius in *libro de rebus
gestis per Italiam*, quem Imperante Maximi-
liano I. scripsit, et in publicum
emisit.

